

滿洲金石志

滿洲石刻之著錄莫先於吾鄉楊大瓢先生柳邊紀畧所錄之金完顏婁室碑然當時移錄其文字而人間顧不見墨本乾嘉以降金石學家林立亦未見著錄滿洲一金一石者逮光緒丙戌枝江曹大令廷杰始於特林得明初永甯寺二碑拓墨呈京師總理各國事務衙門歲己酉宗室伯義祭酒始遣京估李雲從拓輯安之高句驪好太王碑未幾吉林將軍長公順開館勅修吉林通志乃訪得金得勝陀碑完顏希尹神道碑曹道清碑顧亦未聞拓墨以流傳之及乙未冬貴池劉觀察含芳於旅順得唐開元崔忻井逾十年知輯安縣吳大令光國於輯安之板石嶺得魏毋邱儉紀功殘石始以拓本分贈海內同好於是滿洲石刻稍稍得傳諸藝林辛亥冬予避地海東見義州石窟魏太和間營州刺史元景造象記

于亡友內藤湖南博士許訖為平生所未見及返津沽乃遣
青州姚貴昉大令往拓墨並得景明中韓貞造象記以歸遂
分遺知舊於是滿洲人士始知古金石之可寶嗣是知舒蘭
縣袁大令慶清乃傳拓完顏希尹碑他邑有古刻發見者或
載入方志及熱河遼陵發見諸帝后哀冊文與遼相國賈師
訓墓誌當道移置奉天諸哀冊文中以契丹國書書之者
契丹國書久絕于天壤學者尤珍異於是滿洲古刻不僅入
東方士夫之目並騰於世界學者之口矣予頻年以來搜求
墨本命兒子福頤編滿洲金石志苦求備之不易乃就中州
石刻之僑寄於此者先成別錄二卷今年行篋所儲金石刻
已逾百品乃命兒子從事輯錄此百餘品中明永甯寺二碑
乃假內藤博士後人所藏墨本影寫為予篋中所未備其他

則出奉天吉林黑龍江者什七八出熱河者什二三滿洲金石刻雖不敢謂畢在於是亦畧具矣兒子乃以一歲之力成書六卷予念輯錄一事莫要於移寫亦莫難於移寫乾嘉以來金石著錄衆矣於移錄殆均不能無憾蓋纂輯皆假手於門人賓客益以寫官之不慎故奪落舛誤觸目皆是予嘗就所藏古刻校王少寇金石萃編一碑中少者訂正數字多者或補正至數十字百字以上即以熱河承德吉林諸志言之謠誤均所不免試舉此編所載烏丹城全寧路新建儒學記熱河志謂有斷碑一字已殘闕惟魯國大長公主字可辨今觀拓本則題額具存文亦什七八可讀志乃不復細審且似未見額字吉林通志夙稱精核然於完顏希尹碑因碑石中折竟誤其行次致同錯簡今茲所錄皆悉心手校其石刻殘

滿洲金石志目錄

卷一

魏

母邱儉丸都山紀功殘石

晉

高麗好太王碑

北魏

營州刺史元景石窟記
太和二十三年

韓貞造像記
景明三年

唐

井闌題名
開元二年

遼

順義軍節院使張正嵩墓誌 乾亨三年

彭城郡王劉繼文墓誌 乾亨三年

內客省使韓瑜墓誌 統和九年

岳州刺史王隣墓誌 統和廿四年

贈檢校太師王說墓誌 統和廿六年

孫允中石棺銘 開泰七年

中京提轄使宋匡世墓誌 太平六年

聖宗皇帝哀冊 太平十一年

聖宗陵經幢殘石

卷二

張哥墓誌 重熙四年

宣徽南院使韓楷墓誌 重熙六年

濟州刺史張思忠墓誌重熙八年

聖宗欽愛皇后哀冊清寧四年

靜安寺碑咸雍十二年

平州觀察判官王用口墓誌太康二年

聖宗仁德皇后哀冊太康七年

興宗仁懿皇后哀冊僅存蓋誌佚

相國賈思訓墓誌壽昌三年

道宗皇帝哀冊一乾統元年

又二契丹國書

道宗宣懿皇后哀冊一乾統元年

又二契丹國書

靈感寺釋迦佛舍利塔碑天慶六年

陀羅尼經幢 天慶十年

惠能建陀羅尼幢

中京諸寺沙門施捨題名

龐延則造陀羅尼經幢

直卷三

國金

劉氏明堂碑 皇統四年

光祿大夫張行願墓誌 天德二年

宣武將軍高松哥墓碣 貞元三年

知審計院事印 大定五年

興中府尹改建三學寺碑 大定七年

阿設罕謀克印 大定九年

貞憲王完顏希尹神道碑 大定十七年

陀羅尼真言幢 大定十七年

趙景興石棺銘 大定廿一年

得勝陀頌 大定二十五年
有陰

寶嚴大師塔誌 大定廿八年

英公禪師塔銘 大定廿九年

宜州大奉國寺賢聖題名記 明昌三年

利州精嚴寺蓋公和尚行狀碑 承安五年

青寨縣印 泰和五年

副統印 貞祐二年

副統歲字印 貞祐三年

上京路軍馬提控木字號印 貞祐三年

總領提控所印 興定口年

義軍萬戶印 天興元年

招撫副使印 天興元年

北京路都元帥府印 己卯年

提控印 天興元年

提控致字號印 寶靈元年

總押元字號印 天興元年

同知口國軍節度使事印 天興元年

咸平府毛克官鏡 天興元年

下邳縣官鏡 天興元年

國書摩崖石刻 天興元年

元

頤真庵決定頌中統四年

管領投下人戶提領印至元十六年

封五鎮山詔碑大德二年

義州重修大奉國寺碑大德七年

闕帝廟碑大德八年
有陰

御香碑記皇慶二年
有陰

代祀北鎮碑延祐四年
有陰

全寧路新建儒學記泰定二年

御香碑記至順二年
有陰

張公先德碑至順四年

張氏先塋碑元統二年

達魯花赤竹君碑至元四年

御香碑記至元五年
有陰

卷五

御香碑記至正二年
有陰

北鎮廟代祀碑至正三年
有陰

又二至正五年
有陰

御香代祀碑至正六年
有陰

又二至正七年
有陰

又三至正八年
有陰

管軍上百戶張成墓碑至正八年

城隍廟碑至正十二年
有陰

大奉國寺莊田記至正十五年

代祀記 至正十七年

口陽等處軍民口口口印 至正口年

漢軍萬戶印 五

行軍萬戶戶字號印 天

扑仲元銀錠 天

大通法寺常住上下院地產碑 年

殘墓碣 年

卷六 年

重刻明水寺碑 年

天妃廟碑 永樂六年

奴兒干永寧寺碑 永樂十一年

重建永寧寺碑 宣德八年

塔山左衛印

正統十二年

昭勇將軍崔源墓誌

景泰元年

長安禪寺碑

成化廿三年

重修勝水寺碑

弘治三年

都綱印

弘治五年

廣寧東嶽廟記

弘治七年

驃騎將軍孫貴墓誌

弘治十五年

北鎮廟祈雨報祀碑

正德元年

重修武安王廟記

正德十五年

孫夫人項氏墓誌

正德十五年

得勝廟碑

正德元年

鎮邊寺碑

嘉靖廿六年

李蘭鋪城門石額萬曆十一年

重修得勝廟碑萬曆十口年

金州先師廟碑萬曆三十五年有陰

勅賜大金喇嘛法師寶記天聰四年有陰

目錄

智七牙門計

後道寂六年

討殺將軍魏高丸單于口

威報將軍都亭侯口

行將將軍口

口

滿洲金石志卷一

魏 羅福頤翁校錄

魏

母邱儉丸都山紀功殘石

石殘存左角高建初尺一尺四寸五分廣一尺二寸七行行四字至九字不等隸書

正始三年高句驪反

督七牙門討句驪五

復遺寇六年五月旋

討寇將軍魏烏丸單于

威寇將軍都亭侯

行禪將軍領玄

口禪將軍

魏母邱儉丸都山紀功殘石光緒丙午署奉天輯安縣事

吳大令光國於縣西北九十里之板石嶺開道得之石藏

吳君所石存左方一角五十字隸書其文曰正始三年高

句驪反闕下督七牙門討句驪五闕下復遺寇六年五月旋闕下

討寇將軍魏烏丸單于闕下威寇將軍都亭侯闕下行裨將軍

領玄闕下口裨將軍闕下云云案魏志母邱儉傳正始中儉以

高句驪數侵叛督諸軍步騎萬人出玄菟從諸道討之句

驪王宮將步騎二萬人進軍沸流水上大戰梁口原注梁音渴

宮連破走遂來馬縣車以登丸都屠句驪所都斬獲首虜

以千數宮將妻子逃竄儉引兵還六年復征之宮遂奔買

溝儉遣玄菟太守王頎追之過沃沮千有餘里至肅慎氏

南界刻石紀功刊丸都之山銘不耐之城又北史高麗傳

正始三年高麗位宮寇遼西安平

安平作遼東西安平西五
安平縣名屬遼東郡

年幽州刺史毋邱儉將萬人出玄菟討位宮大戰於沸流
敗走儉追至靚岷縣車來馬屠其所都位宮單將妻息遠
竄六年儉復討之位宮輕將諸加奔沃沮儉使將軍王頎
追之絕沃沮千餘里到肅慎南刻石紀功又刊丸都山銘
不耐城而還此二書所紀互有詳略北史所紀歲月較詳
當本之魚豢魏略據此二書則毋邱儉刻石凡三處一肅
慎南界二不耐城三丸都山也肅慎南界在今朝鮮吉林
之境不耐城在今朝鮮東海岸丸都山無可考曩見吳大
令跋此刻謂此刻出土之板石嶺高六百餘丈車馬不通
疑即古之丸都山案魏志北史皆言儉征句驪兵出玄菟
魏玄菟郡治

治高句
驪縣

在今鐵嶺左右自是而東南有小遼

水河今渾蓋即魏志之沸流水又東南則有大梁水子今太即

魏志之梁口又東則至今輯安縣境吳氏以輯安西北之板石嶺為丸都以此刻為丸都之銘其說近是而北史以儉縣車處為靺峴者蓋丸都為輯安以東諸山之大名而靺峴則其支嶺也魏志高句驪傳謂高句驪都於丸都之下蓋謂山之東麓儉傳及北史高麗傳所紀甚明而丸都之山句驪之都胥恃此刻始得知之可謂人間瓌寶矣

毋邱儉征句驪歲月傳聞異辭魏書少帝紀正始七年春二月幽州刺史毋邱儉討高句驪夏五月討濊貊皆破之高句驪傳則云正始三年宮寇西安平其五年為幽州刺史毋邱儉所破儉傳則於儉初討句驪但渾言正始中而於復討則云六年北史則以初討在五年復討在六年今

據此殘刻則第一行云正始三年高句驪反以下當闕毋
邱儉銜名第二行督七牙門討句驪五五下所闕當是年
字第三行復遺寇六年五月旋復上所闕當是無字此字在上
行旋下所闕當是師字據此則儉伐句驪實以四年會師
五年出兵六年旋師而無復遺寇之文繫於五年則魏志
高句驪傳所紀獨得其實少帝紀繫之正始七年二月儉
傳及北史以為六年復伐皆失之殘石第四行以下皆諸
將題名首討寇將軍魏烏丸單于者即右北平烏丸單于
寇婁敦毋邱儉傳青龍中儉為幽州刺史右北平烏丸單
于寇婁敦降討寇將軍者其所受魏官後漢以來常與外
夷以中國位號後漢書西域傳光武帝建武中賜莎車王
賢以漢大將軍印綬順帝永建二年拜疎勒王臣磐為漢

大都尉魏略西戎傳魏賜車師後部王壹多雜守魏侍中號大都尉受魏王印又晉時鄯善焉耆龜茲疎勒于闐諸

王皆稱晉守侍中大都尉

流沙墜簡補遺

是也漢時匈奴單于印

無漢字諸王以下乃有漢字此烏丸單于上冠以魏字者

寇婁敦降虜又弱小非匈奴比也其名在諸將首者毋邱

儉之東征蓋即以寇婁自副也儉名不列諸將首者以儉

為主將其名當已見前毋庸再出也第六行威寇將軍都

亭侯不知何人第六行行裨將軍領玄玄下所闕當是菟

大守三字行裨將軍領玄菟大守乃王頌結銜魏志稱玄

菟大守王頌北史稱將軍王頌其證也據魏志滅貊傳樂

浪太守劉茂帶方太守弓遵亦與是役第七行以下或有

其銜名然殘闕不可考矣

王忠愨公觀堂集林二十

高麗好太王碑

高二丈五尺六寸二分廣八尺二寸五分第一第二兩面每十一行第三面十三行第四面九行四十一字正書

惟昔始祖鄆牟王之創基也出自北夫餘天帝之子母河伯

女郎剖卵降出生子有聖之口口口口口口命駕巡車南下路

由夫餘奄利大水王臨津言曰我是皇天之子母河伯女郎

鄆牟王為我連蔽浮麤應聲即為連蔽浮麤然後造渡於沸

流谷忽本西城山上而建都焉永樂世位因遣黃龍來下連

王王於忽本東置黃龍百昇天頤命世子儒留王以道輿治

大朱留王紹承基業至十七世孫國置上廣用土境平安

好太王二九登祚号为永樂太王恩澤洽于皇天威武梬被

四海掃除口口庶寧其業國富民殷五穀豐熟昊天不吊世

有九宴駕棄國以甲寅年九月廿九日乙酉遷就山陵於是
立碑銘記勲績以永後世焉其言曰
永樂五年歲在乙未王以碑麗不息口又躬率住討巨富山
負山至鹽水上破其丘部洛六七百當牛馬羣羊不可稱數
於是旆駕因過勞平道東來口口力城北豐五徭猶遊觀土
境田獵而逮百殘新羅舊是屬民由來朝貢而倭以癸卯年
來渡海破百殘口口口羅以為臣民以六年丙申王躬率水
軍討利殘國軍口口首攻取壹八城白模靈城若模靈城幹
互利口口口城閣弥城牟靈城弥沙城口舍蔦城阿旦城古
利城口利城龔弥城奠利城勾牟城古模昵羅城貢口口口
口口口而昵羅口易城牙口城口口口奴城沸口口利城
弥郢城也利城大山韓城掃加城駁拔口口口口口宴賣城

口城廿年庠戎東夫餘舊是鄆年王屬民中叛不貢王躬率
住討軍到餘城而餘城國駢口口口口口口口口口口王恩普
處於是旋遣又其慕化隋官來者味仇婁鴨靈卑斯麻鴨靈
立婁鴨靈肅斯舍口口口口口口口口靈仇聆攻破城六十四
村一千四百守墓人烟戶賣勾余民國烟二看烟三東海賈
國烟三看烟五穀城口四家盡為看烟弓城一家為看烟碑
利城二家為國烟平穰城民國烟一看烟十戡連二家為看
烟住婁人國烟一看烟卅二梁谷二家為看烟梁城二家為
看烟安夫連廿二家為看烟改谷三家為看烟新城三家為
看烟南蘇城一家為國烟新來韓穢沙水城國烟一看烟一
牟婁城二家為看烟豆比鴨岑韓五家為看烟勾牟客頭二
家為看烟永底韓一家為看烟舍鳶城韓穢國烟三看烟廿

一古家耶羅城一家為看烟 吳古城國烟一看烟三客賢韓
一家為看烟阿旦城難珍城合十家為看烟巴羅城韓九家
為看烟岩模靈城四家為看烟岩模靈城二家為看烟牟水
城三家為看烟幹豆利城國烟二看烟三彌旧城國烟六看
烟□□□□□□□□□□城三家為看烟豆奴城國烟一看烟二
真利城國烟二看烟八須郢城國烟二看烟五百殘南居韓
國烟一看烟五大山韓城六家為看烟農賣城國烟一看烟
一閏奴城國烟二都烟廿二古牟婁城國烟二看烟八瑒城
國烟一看烟八味城六家為看烟就咨城五家為看烟多穰
城廿四家為看烟散舩城一家為國烟舩旦城一家為看烟
勾牟城一家為看烟於利城八家為看烟比利城三家為看
烟細城三家為看烟國置上廣用土境好太王存時教言祖

王先王但教取遠近舊民守墓洒掃吾憲舊民轉當羸勞若
吾萬年之後安守墓者但取吾躬率略來韓穢令徭洒掃
言教如此是以如教令取韓穢二百廿家憲其不知法則復
取舊民一百十家合新舊守墓戶國烟卅看烟三百都合三
百卅家自上祖先王以來墓上永安石碑致使守墓人烟戶
差錯惟國置上廣用土境好太王盡為祖先王墓上立碑銘
其烟戶不令差錯又制守墓人自今以後不得更相轉賣雖
有富足之者亦不得擅買其有違令賣者刑之買人制令守
墓之

惟昔始祖鄒牟王之創墓也

按太平寰宇記朱蒙棄夫餘東走渡普述水至統升骨城

遂居之號高句驪國日本姓氏錄云難波連高麗國主鄒牟王之後鄒牟注亦名朱蒙是碑云鄒牟者即朱蒙之聲

轉魏書謂其俗言朱蒙者善射也後漢書夫餘傳名曰東明長而善射因至夫餘而王之焉是東明又即朱蒙之證

出自北夫餘天帝之子母河伯女郎剖卵降出生子有眚

多口口口口口命駕巡車南下路由夫餘奄利大水王臨

津言曰我是皇天之子母河伯女郎郅牟王為木連蔽浮

龜應聲即為連蔽浮龜然後造渡於沸流谷忽本西城山

上而建都焉按魏書朱蒙母一河伯大如五升一閉于室中為

出及後倭身王還欲殺之侍兒曰前見天上有氣大如雞

子來降因不死復徙于馬闌馬亦如之王令置于豕牢豕以口

養名曰東明長而善射王忌其猛復欲殺之東明奔走南

至掩漉水以弓擊水魚鼈皆聚浮水上東明乘之得渡此

碑云剖卵浮龜之證索離三國志注引魏略作藁離梁書

又云秦離竝高麗之聲轉碑云北夫餘以出自北方之國

麗中有一車衣津奄利即後漢書所謂南鮮史沸流注今高

本川三國史謂彌鄒忽為沸流之都西城蓋即魏書所紀

訖升骨城也其事與地竝合史傳蔽疑蔽猶併木以渡也

永樂世位曰遣黃龍來臣王王於忽本東岡黃龍頁昇天

按世疑為即之泐文臣即逆字迎之別體頁說文訓頭也

蓋言東岡值黃龍之首輿地勝覽東明王墓在中和府龍

山谷世傳高句麗始祖常乘麒麟馬奏事天上年至四十

遂昇天不返此與碑文可互證又大同江西流為九津弱

水至龍岡縣東出急水門疑龍岡即龍山谷

所謂忽本東岡黃龍頁即龍岡所由名也

留王以道輿治大朱留王紹承基業口至十七世孫國岡

上廣開土境平安好太王二九登祚号为永樂太王恩澤

口于皇天威武梔被四海掃除口口庶寔其業國富民殷

五穀豐熟昊天不吊卅有九宴駕棄國以甲寅年九月廿

九日乙酉遷就山陵於是立碑銘記勲績以永後世焉其

詞曰按駕洛國記姓金氏國號伽倻乃新羅儒理王十八

年南齊書加羅國三韓種碑云儒留即儒理又即朱

留也國岡上即所謂忽本東岡前云建都山上是國於岡

上之義甚顯傳釋以岡上為岡土之脫繆甚碑書開作

用與日本二天造象以刃為開同作柞即柞梔疑即橫字

之謂有光義合乎堯典二年被四表穿鑿亡謂碑云二九登

祚卅九棄國是在位廿二年朝鮮史則謂高句麗王十九

世廣開土王在位廿二年當以碑文十七世證史十九

為永樂是其國號國岡上廣開土境則好太王之徽號也

以碑中甲子詔第改之好太王登祚之年當在漢建安十

六年辛卯至蜀漢建興十年壬子卅有九歲棄國越明年

癸丑至甲寅九月始葬于山陵故曰永樂五年歲在乙未

遷立碑銘紀勳績蓋墓上紀功碑也

自是以歲有勳績之始故王以碑麗不息口又躬率口住討

按後漢書三韓凡七十國此碑麗蓋其所屬下文有碑

利城疑即碑麗又句驪傳云元初五年復與緡貉寇玄菟

攻華麗城注華麗縣屬樂浪郡作不猶言不靖住即往字

省漢魏六朝碑體嘗於旁者作不御於旁字加作不

證率下當是師字泐可巨富山最為要隘疑此山是負碑至

鹽水上破其兵部洛即落六七百當用馬羣羊羊即不可

稱數於是旋駕因過弩平道鮮諸亦朝東來呂城力城

北豐五徭猶遊觀土境田獵而速鴨綠江原出東北水一

白山去遼東五百里經國內城南又西與一水合即鹽難

水也宋書蠻夷傳元嘉十五年復為索虜所攻敗走奔高

驪北豐城此可為碑中鹽水北豐百殘新羅舊是屬民由
之證徭即備猶疑是猶逮即還字

來朝貢而倭以辛卯年來渡海破百殘口口新羅以為臣
民以六年丙申王躬率水軍討利殘國軍口口首攻壹八
城血模靈城若模靈城幹立利口口口城閣弥城牟靈口
弥沙城口舍蔦城阿旦城古利城口利城藥弥城奧利城
句牟城古須那羅城頁口口口口城分而那羅口易城口
口城口口口豆奴城沸八那利城弥鄂城也利城大山韓
城埽加城敦拔城口口口口婁賣城散口城口口城細城
牟婁于婁城蘇灰城燕婁城析支利城巖門至城林城口
口口口口利城就鄂城口拔城古牟婁城閏奴城昌奴
城多穰城口口口口靈城仇天城口口口口其國城
賊不欣氣敢出交戰王威赫奴渡阿被水遣刺迫城橫口

□□□使國城百殘王困逼獻□男女生白一千人細布

千匹歸王自誓從今以後永為奴客太王恩赦□迷之街

錄其後順之誠於是□五十八城村七百將殘王弟我大

臣十人旋師還都按百殘即百濟後漢書作伯濟新羅一

有斯廬國碑云倭以辛卯年未渡海破百殘考後漢書桓

靈間倭國大亂更相攻伐以永樂五年乙未推之是辛卯

在前四年為永樂元年當漢建安十六年蓋在桓靈之季

倭始渡海寇畧至蜀漢初乃犯帶方寔為邊郡之患其時

中原割據三國鼎峙不遑柔遠諸夷遂有自主征伐之權

亦足據碑以攷見時事己碑書辛作采形近來傳釋作來

誤此追記永樂初元事蹟至六年丙申王討利殘攻取諸

城大勲斯集殘王貢獻永誓為奴又質其弟凱旋而東此

紀好太王兼併百濟第一功也後善義相類又傳云

驪傳云責讓前罪赦不加誅取其後言獻生白細布歸

送生口者皆與贖直縑人四匹此碑言羅有闕彌城東

王生白蓋即生口細布即縑屬也通典新羅有闕彌城東

國通鑑或曰闕彌碑正作閭彌又南荒地置帶方郡通典建

安中公孫康分屯有昭明二縣以荒地置帶方郡通典建

業中伐高麗分軍出帶方道謂此阿旦城修自百濟此碑

中閣彌阿旦之證其所記五十城碑文剝蝕不可悉數

業中伐高麗分軍出帶方道謂此阿旦城修自百濟此碑

中閣彌阿旦之證其所記五十城碑文剝蝕不可悉數

中閣彌阿旦之證其所記五十城碑文剝蝕不可悉數

城以下文諸村烟戶微作其踏奪畧得異證如牟盧下當是

下當是邢字就邱下文作就豆咨郭以音轉幹互利互即

界析木城巖門疑舊即三國史之巖城大山韓城疑州之西

東沃沮傳所云蓋馬大山注屬玄莞郡其山在今平壤城

散出交戰言其抵死相拒歃服即韓城碑云不歃氣

判蓋謂精卒善擊刺者迫服為城下盟奴客即臣服

之謂史言箕子為奴後漢書高句驪有五族竝以奴八年

名其部客者蓋賓主之意街疑是微字傅釋作徵非

戊戌教遣偏師觀島慎土谷漢書挹婁為肅慎國在泐夫餘

東北千餘里自漢興以後臣屬夫因便抄得莫口羅城加

餘此云觀其土谷蓋巡管境之義自此以來朝貢論事九

太羅谷男女三百餘人鈔畧也鈔自此以來朝貢論事九

年己亥百殘違誓与倭和通與之泐文是王巡下平壤今括

地志云本漢樂浪郡王險城在泐水東三國而新羅遣使

史東川王廿一年築平壤城移民及廟社

白王亡云按即倭人滿其國境潰破城池以奴客為民歸王

請命太王口後稱其忠口南遣使還吉按稱碑作稭以口吉當是告首

許十年庚子教遣步騎五萬住救與佳即往省新羅從男居

城至新羅城倭滿其中官兵方至倭賊退口口口口口口

口口來背息追至任那加羅史按加羅南齊書云三韓種北史謂新羅附庸於迦羅三國

史注伽倭或云伽羅文獻備攷作從拔城即歸按濟其

都曰居拔城碑云徙男居城又云安羅人戒兵拔新羅城

扈城倭滿口口口口口口口口口口口口口口口口

口口口九盡臣侑尖疑即安羅人戎兵按傳釋作戎非

口口口口口口口口口口口口口口口口口口口口

按大下疑是昔新羅安錦未有身來朝貢口口口口口口

按即開字與上土境好太王口口口口口口口口口口

口口口朝貢十四年甲辰而倭不軌復入犖方界按即帶

建安中置句驪傳陽嘉元年安平殺帶方
令注郡國志西安平帶方縣並屬遠東郡

城口連船謂戰艦口口口口率口口口僕句口口口相

遇王惔要截盪荆倭寇潰敗斬殺無數按殺即殺下十七

年丁未教遣步騎五萬口口口口口口平攘口口合

戰斬熬湯盡按湯即所稚鎧鉀一萬餘領按推即獲之省

起加偏軍資器械不可稱數還破沙溝城婁城還口口口

口口口口師口城廿年庚戌東夫餘舊是鄆牟王屬民

中叛不貢王躬率住諸軍到餘城而餘承國駢口口口口

口口邦台口王息普處於是旋還按鄆牟王出自北夫餘

沃沮其曰餘城文之省例又其慕化隋宮來者按隋即隨

官之泐後漢書句驪王宮味仇靈婁鴨卑斯麻鴨靈城立

婁鴨靈肅斯舍按三國史新羅始祖昔氏味鄆牟尼斯此云

即樸虛牟婁二城鴨疑即謂鴨綠卑疑即謂鮮卑麻疑即南史所載百濟之都曰固麻城肅疑即謂肅慎前云觀肅

慎土谷可口口口口口靈仇所攻破城六十四村一千

四百按此所紀仇以下皆其畧有之地以城歸附所謂

百殘者守墓人烟戶賣句餘民國烟二看烟三東海賈國

烟三看烟五敦城口四家盡為看烟于城一家為看烟按

國史新羅智證麻立于十三年于山國歸服碑利城按碑

于山在溟州正東海島此于城疑即于山國碑利城利即碑麗前云二家為看烟平穰城民國烟一看烟十式連二

家為看烟住婁人國烟一看烟卅三梁谷二家為看烟梁

城二家為看烟安失連廿二家為看烟改谷三家為看烟

新城三家為看烟南蘇城一家為國烟新來韓穢沙水城

國烟一看烟一牟靈城二家為看烟召比鴨本韓五家為

看烟向牟客頭二家為看烟永底韓一家為看烟舍馬城

韓穢國烟三看烟廿一古口那羅城一家為看烟炅古城
國烟一看烟三客賢韓一家為看烟阿旦城雜弥城合十
家為看烟巴奴城韓九家為看烟若模靈城四家為看烟
若靈模城二家為看烟牟水城三家為看烟幹上利城國
烟二看烟口余吕城按此當是弥郢泌文國烟七看烟七口利城三
家為看烟豆奴城國烟一看烟二奧利城國烟二看烟八
須郢城國烟二看烟五百殘南居韓國烟一看烟五大山
韓城六家為看烟農賣城國烟一看烟一閏奴城國烟二
都烟廿二古牟婁城國烟二看烟八瑒城國烟一看烟八
味城六家為看烟就咨城五家為看烟多穰城廿四家為
看烟穀艹城一家為國烟郝旦城一家為看烟句牟城一
家為看烟於利城八家為看烟比利城三家為看烟細城

三家為看烟

按後漢高句驪傳云凡有五族有消奴部豆

奴人烟戶即人烟戶口之號蓋其舊部以奴名之例也又置守

其所謂國烟蓋皆取遠近舊民充之本其國人也曰看烟

者則皆其所畧來韓歲人令其看舊民之法而調教之碑

徙于國烟也讀碑者於此文義多有疑滯不可盡通詳繹

碑文前後悉得其主名國出上廣用土境好太王存時教

爰為證明足稱孤解

言祖先王但教取遠近舊民守墓洒掃吾慮舊民轉當羸

劣若吾萬年之後安守墓者但取吾躬率所畧來韓歲令

徧洒掃言教如此按後漢書建光元年秋句驪王宮率馬

仇台將二萬餘人與州郡并力討破之匈奴傳集注歲或

作歲晉書音義歲與穢同今日本人謂朝鮮人曰穢入蓋
沿古語此覆述好大王遺教蓋以守墓舊民不勝久役且
慮及身後又將馬取乃為遠圖著之教令史稱其國王葬
用玉匣又言金銀財幣盡於厚葬
宜其於守墓之人周為經紀矣
是以如教令取韓穢二
百廿家憲其不知法則復取舊民一百十家合新舊守墓

戶國烟卅看烟三百都合三百卅家自上祖先王以來墓
上不安石碑致使守墓人烟戶羌錯惟國出上廣用土境
好太王盡為祖先王墓上立碑銘其烟戶不令羌錯又制
守墓之人自今以後不得更相轉賣雖有富戶之者亦不
得擅買按雅即雖之別體言雖其有違令賣者刑之買人
制令守墓史稱其俗用刑嚴急被誅者皆沒其家人為奴
法網之
密矣

右高麗國永樂好太王碑釋文

此高麗好太王墓上紀功碑也在今盛京鴨綠江屬朝鮮
高山城滿浦城境內日本姓氏錄謂之難波連高麗國好
太王寔為永樂太王也彼都考古之士云初掩土中三百
年前漸掘漸露沆今未盡出土出者高約十八尺面南背

北約寬五尺六寸有奇東西側約寬四尺四寸有奇四面
鑄字而石有凹凸南十一行則起惟訖那西十行起利訖
大北十三行起赤訖烟東九行起七訖後凡四十有三行
行四十一字字總千七百有九然長短有差長者五寸短
或三寸刻深五六寸不等殘缺者一百九十七後無年月
據碑前文知勒銘于甲寅年九月廿九日乙酉吳興陸心
源攷為涼太元十六年以永樂五年當之按前涼張重華
號永樂始丙午凡八年由永樂改元上推為己亥是為張
駿之太元十六年當晉咸康五年不當由後溯前前涼亦
不得混于高麗此兩誤也且以涼永樂五年推之寔為歲
在庚戌此碑云乙未則非前涼之永樂益可知己日本人
攷證甲寅一當蜀漢後帝十二年一當晉惠帝四年游移

兩可是亦專據甲寅歲歷而言未有塙證余以東國通鑑所紀漢永光五年壬午高句驪始祖朱蒙立至鴻嘉二年壬寅為十九年傳國十七世孫是為廣開土王朝鮮史與通鑑並合碑文前雖未詳年代證以漢書東夷諸傳其興國並在西漢之初光武中興使譯大通始來獻賀桓靈失政朝威漸損乃有寇鈔邊郡之虞今以碑中所紀地名攷之如帶方郡始置於東漢末建安中見諸史志而碑云倭侵入帶方界可知好太王併吞百殘新羅諸國觀兵肅慎盪平倭奴其稱霸三韓必在後漢蜀漢之間信而有證也據碑中紀年乙未丙申戊戌己亥庚子甲辰丁未庚戌攷之由永樂五年乙未上推元年辛卯當東漢建安十六年與碑云二九登祚之年正合由永樂廿年庚戌下推廿二

年壬子當蜀漢建興十年與碑云卅九棄國之年亦合是知好太王寔生于後漢興平元年甲戌其棄國之明年癸丑至甲寅九月始遷山陵立碑紀功即在是歲實當建興之十二年也又據東國輿地勝覽平安道中和郡有東明王墓在龍山按龍山蓋即碑文所謂忽本東岡黃龍頁昇天之地即其墓之所在也碑稱平安好太王蓋即東國志所云平安道至今朝鮮猶沿諸道之名與唐元和郡縣圖志所載諸道同一例也碑記諸城烟戶多取諸韓滅人又以其不知法則復取其國之舊民訓習之此國烟看烟所由名也後漢書謂其俗刑法嚴峻觀於此碑制守墓之人益信銘詞無均而文義簡潔疏宕叙事處有類范史之筆字體八分適渾當為遼東第一古碑近世傳脫高句驪故

城石刻二種皆己丑年三月攷其時當宋元嘉廿六年又
新羅真興王定界碑戊子八月當陳光大二年並正書此
碑隸體如錐畫沙其時去東京未遠多漢人遺意尤神似
吳九真太守谷朗碑蜀漢石文世不數覲東國得此足補
史乘之闕可謂後出最古者矣余以戊戌春計偕入都閱
廠肆始獲精脫本老友王廉生祭酒謂其族人少廬曾攷
之未詳盛伯希有釋文卻未之見見者惟陸誠齋及德清
傅氏二跋并失之淺略碑估為余言其墓如巨阜類鑿石
為之燐火深入乃施氈推證以後漢高句驪傳所云其國
厚葬積石為封殆其舊俗也又言墓隧四壁皆畫像鐫迹
精詭如魯峻冢郭巨室武梁祠之類則猶漢之遺制也廉
生嘗得其墓磚二拓以見贈其文曰願太王陵安如山固

如岳字亦八分文則祝詞古整文之異撰足備一格者余以是碑之出其有天數乎當好太王之興國也承朱明餘業雄視遠東西赫然一扶婁霸國倭在韓東南大海中据邪馬臺其國度不過海東一隅在東漢屬樂浪郡徼桓靈間倭國大亂更相攻伐以史證碑其為不軌侵入帶方蓋其時也好太王以步騎乘勝之師一潰之於加羅再殲之於平穰斬獲亡算威讐岫夷何其雄也蜀漢訖今幾二千年而朝鮮以內變召外侮積弱已不能支日本且乘霸府餘威以兵劫其宮奪其政治光緒甲午之役乃以平東學黨之亂窺我大東絕我藩貢平壤一蹶至擊韓王南面而聽命以視千百年前平穰之戰其得喪豈可同日語哉然則是碑先甲午而見其機如此且碑之紀功以永樂乙未

始而朝鮮之變則以光緒乙未終周語所謂天之所支與其所壞者其年歲冥若符合吁可異也讀碑者賞其文字之奇繹其事功之盛恍然於今昔日闢日削之故將不驗諸天而驗諸人歟爰取證舊史而攷其大較其文與事并詳于釋文以資旁證焉

鄭舍人文焯好太王碑考釋

此碑為海東古刻之冠顧前人於刻石年月考之未審陸存齋觀察謂是涼太元十六年鄭叔問舍人謂是蜀漢建興十二年日本人又據碑中所記甲寅謂一當漢後帝十二年一當晉惠帝四年不能斷定鄙意諸說並未當也今以元高麗僧一然三國遺事及東國史略日本伊藤長允三韓紀畧三書與此碑互證知此碑實立於晉義熙十年試立三證以明之碑稱鄒牟王

即朱蒙高麗始祖

命世子儒留王

以道輿治大朱留王紹承基業口至十七世孫國罡上廣
開土境平安好太王二九登祚三十有九宴駕棄國以甲
寅年九月二十九日乙酉遷就山陵於是立碑銘記勲績
云云考三國遺事稱高麗開國之十九世廣開土王名談
德壬辰立治二十一年子長壽王癸丑立治七十九年三
韓紀略亦云高麗廣開土王以晉太元十七年立立二十
二年而卒東國史略同蓋其世次鄒牟為始祖儒留東國史畧
三韓紀畧並作琉璃王北史高句麗傳作如柔皆儒留譯音之異為二世儒留之後由大
武至廣開土正儒留以後十七世與碑所云儒留十七世
孫世次正相當是碑所謂國罡上廣開土境平安好太王
即廣開土王碑舉其全謚史舉其畧謚實為一人證一也
三國遺事謂廣開土立於壬辰考壬辰為晉太元十七年

與東國史畧三韓紀畧正同惟東國史畧三韓紀畧並作
在位二十二年三國遺事作二十一年為小異碑稱好太
王二九登祚三十九宴駕三國遺事及三韓紀畧並謂廣
開土之子長壽王以癸丑立由太元十七年壬辰至義熙
九年癸丑正二十二年又以十八即位三十九棄位考之
太元壬辰年十八至義熙癸丑年正三十九則廣開土在
位乃二十二年非二十一年也惟碑中又有永樂五年歲
在乙未六年丙申語若以壬辰立則永樂五年直丙申六
年直丁酉相差一年考廣開土之前一世為國壤王三國
遺事云甲申立治八年三韓紀畧同惟作
在位九年為異由太元九年甲
申至十六年辛卯正是八年意廣開土實即位於辛卯至
五年正是乙未諸史以辛卯不過數月遂以壬辰為元年

與然廣開土王卒於義熙癸丑則諸書之所同證二也廣
開土以癸丑卒而葬則在次年甲寅故碑稱甲寅年九月
二十九日乙酉遷就山陵考長術義熙十年九月為丁巳
朔二十九日正是乙酉與碑正合此又為碑以義熙十年
立之確據證三也此碑立石年代久不能定一旦勾稽得
之洵快事矣

碑稱鄒牟巡車南下路由夫餘奄利大水案後漢書東夷
傳及東國史畧作至淹漏水三國魏志東夷傳作施掩水
梁書及北史百濟傳作淹滯水隋書百濟傳三國遺事作

淹水

魏志之施掩水乃掩施之
誤掩施音與淹漏相近

碑又云於沸流谷忽本西城山上而建都焉考三國魏志
高句驪傳有沸流水當即沸流谷東國史畧亦作時沸流

水上松壤國王以國來降三國遺事結廬於沸流水上居
之並作沸流水又三國遺事至卒本川遂都焉東國史畧
亦作卒本殆即碑之忽本也碑又有以碑麗不息口語考
晉書東夷傳有裨離等十國疑即碑麗

好太王之事實高麗史籍記述頗少惟東國史畧注引歷
年圖云廣開土雄偉有奇才能戰勝攻取而不及其平生
戰績若無此碑則征新羅百殘事泯然無聞於世矣金石
之功顧不偉哉

家大人永豐
鄉人彙丙編

此碑同治末年始傳入京師吳縣潘文勤公祖蔭先得之
海東工人不善拓墨但就石勾勒才可辨字而已光緒己
丑宗室伯義祭酒盛昱始集資令厥肆碑估李雲從裹糧
往拓于是流傳稍廣鄭叔問舍人文焯始著錄其文作考

釋一卷予以舊拓精本校之知舍人所錄譌字不少今畧
舉之生子有聖德德字但有彳旁可見鄭氏譌彳作才為
我連蕨浮龜我譌作木巨富山譌作巨富山牛馬羣羊牛
譌作用古模耶城譌作古須那城而耶羅口譌作而那羅
口貫奴城譌作昌奴城口羅城譌作口靈城敢出百戰百
譌作交渡阿水利譌作被并大臣十八并譌作我王躬
率往討討譌作諸而餘城國城譌作承隋官來者官譌作
宮賣勾余民余譌作餘看烟卅二譌為卅三豆比鴨岑韓
豆譌作丘岑譌作本古家耶羅城譌作古口那羅城弥旧
城國烟六六譌作七所畧韓穢穢譌作澱永安石碑永譌
作不雅有富足之者足譌作戶牟婁城于婁城牟婁下奪
城字從拔城城即歸服兩城字奪其一味仇婁鴨靈卑斯

誤作味仇靈婁鴨卑斯錯列鴨下之靈于仇下祖王先王
誤作祖先王奪上王字又制守墓人及制令守墓之作制
守墓之人及制令守墓將下句之之字移列前句入字之
上此外筆畫之譌及碑字可辨而失錄及碑字已漫而馮
朮釋定未敢確信者亦不少至碑中諸字如黃龍頁昇天
頁殆負之別構鄭釋為說文訓首也之頁之本字赦口迷
之衙衙即愆字而鄭釋作微安羅人戎兵戎當是戍字鄭
釋為戒均未確當至釋巨富山謂疑是巨文島又誤錄其
慕化隋官來者之官為宮因引後漢書句驪王宮生而開
目能視謂宮乃人名則未免穿鑿又不僅校錄之疏矣以
此刻鄭君首先考釋故全錄其文而為附正之於此

劉承
幹海

東金
補遺
石

北魏

營州刺史元景石窟記

高廣各四尺一寸碑下截已損計十二行行存二十二字不等正書

唯大魏太和廿三年歲次己卯四月丙午朔八日口丑而開

諸軍事平東將軍營州刺史元景上為

皇帝陛下敬造石窟一區

夫靈覺沖虛非像無以筌其形妙門潛寂非唱口

生滅昧識於慧旦將以輪迴塵網纏服辜弊矣

釋加如來契慈心於曰初達妙致於邈劫辜

捐慧舟以慤溺夷阻濟艱人天抑德功蓋

我皇代受命光口口口日新景福增崇聖

皇帝陛下誕稟口口口高振古遊神虛宗之

興援及州鎮靡不口口况景藉陰洪基根口
土雖麗豈同巖石之固於州城東北一百
暨浩滄右帶龍川臨清流以恭穢背脩巖
明可以軌矚東民信亦威訓穆然存道久
皇帝陛下資化無為一同率土享祚齊
明元皇帝栖神常住降及一切普沾
是詣速證大果又願己身并諸眷屬
文靡迷國之焦社可無稱乎故於口
玄覺體空真口口口公誰究竟悟茲
空有同照無微口口調風灑澤懷
詳陟火合想作口口彫巖鏤館口
連茲華窟投心請慶仰頌聖

上顧明元神栖妙宮受道

此刻在義州往在海東於內藤湖南博士許見墨本返國
後倩青縣姚貴昉大令攜氈墨往招之人間始有傳本碑
稱太和廿三年平東將軍營州刺史元景上為皇帝造石
窟一區檢魏書宗室傳不載景名不知為何帝之後昭成
子孫傳常山王遵曾孫壽興自作墓誌銘曰洛陽男子姓
元名景有道無時其年不永云云隋太僕卿元公墓誌書
其名作曷知傳作景者乃避唐諱改書非名景也造石窟
之元景別是一人官營州刺史職位已崇不知史家何以
遺之惟魏孝文帝吊比干文碑陰題名有散騎常侍領司
宗中大夫元景吊比干文刊於太和十八年景方任朝官
越四年而外任營州刺史殆為一人無疑也

韓貞造象記

高一尺六寸七分廣四尺一寸六分
正碑下
截已損存二十六行行十餘字不等

負外散騎常侍昌黎韓貞

前達德郡承沃連戍軍主呂安辰

夫至道無名故顯名以丙真玄宥

難辯傲文象以明堦是以如來口相

以濟萬類大推隨方而拔群溺口口

更陶冥造品物咸享者也斯宴口口

之口口九聖之師口自非刊石荆山口口

真容將來口蠹奚口瞻恤於是口口

汲利戍軍主呂安辰隊主劉都口口

勿丹張惠初劉胡堤等七十四人做口口

劉隊主劉都
隊主張惠初
隊主劉初勿丹
賢者劉護堤

此記在義州石窟文字二十六行頗漫漶記韓貞與呂安
辰等七十四人造石窟事韓貞呂安辰銜名文前後兩見
韓貞署銜文前但稱員外散騎常侍文後則尚有尉喻口
丹使五字呂安辰署銜前後並作前建德郡承沃連戍軍
主惟戍名三見一作沃連兩作沃黎考魏書契丹傳載契
丹以太和三年率其部落車三千衆萬餘口驅徙雜畜求
入內附止於白狼水東自此歲常朝貢後告饑高祖矜之
聽其入關市糴及世宗肅宗時恆遣吏貢方物魏書地形

志營州領郡六縣十四其建德郡治白狼城城殆即以水
得名韓貞名上尉喻口丹使丹上雖泐一字知必是契丹
貞必奉使命慰喻契丹人衆者文後尚有尉喻使令史溥
于敬之名則貞之隨從矣呂安辰為前建德郡承字即丞建
德本為營州六郡之一至沃連戍軍主當為刻石時現官
殆先為郡丞後為戍主者六朝時因兵事郡縣之外多設
防戍而史志不載其名此記稱于口方之右沃黎之西造
私窟則沃黎戍即當在今義州境內矣至沃連沃黎之異
文殆以音近任便書之以本文例之其七十四人中之劉
胡堤文中作胡堤文後題名則作護堤其證也當時之制
戍有軍主史家往往單稱戍主此作軍主者蓋其下尚有
隊主故詳記之以示別滿州古刻甚少元魏時僅元景與

至今一千一百八十二年其井已湮其石尚存光緒乙未
年冬前任山東登萊青兵備道貴池劉含芳作石亭覆之
并記

右題名原在旅順口黃金山之麓自日俄戰後此石歸
日本宮內省矣考舊唐書渤海靺鞨傳稱睿宗先天二
年遣郎將崔訢往渤海冊拜祚榮為左驍衛員外大將
軍渤海郡王與碑文合惟崔訢史誤作訢其稱鴻臚卿
者乃出使時加授之官唐制鴻臚卿兼掌出使封拜事
唐書百官志鴻臚寺卿一人從三品掌賓客及凶儀之
事凡諸蕃封命則受冊而往傳書郎將乃紀其原官也
續傳記訢奉使在先天二年考先天二年十一月始改元
開元開元元年僅一月耳石刻作開元二年乃奉使後

數月又此刻遼東志著錄謂凡三十一字今校以石刻
志於井上多鑿字文末多造字其實原文仍二十九字
也

遼

順義軍節院使張正嵩墓誌

高二尺五寸五分廣二尺五寸七分二十
五行行三十二至三十四字不等正書

朔州正義軍節院使張府君墓誌并序 將仕郎檢校尚書

虞部員外郎守寧王府記室叅軍賜緋魚袋趙口口

伏以文捍深水記陵遷谷變之期字石幽泉紀地久天長之

事生之限也墮甍急景爍電輕淪死之約乎碎珠折玉晞露

風燈感情而述矣清河府君瑞鳩傳喬靈釵得學宰晉相韓

興蜀霸漢德源自遠良流爰多善不泯於春秋事亦豐於典

策府君考諱諫南瀛州河間縣人也學備張車才盈曹斗從
師泗北授士閔西拔武則搏虎埋輪不輸祖業緒文則懷蛟
夢鳳無讓先賢旋值

我北朝大聖皇帝初創乾坤才磨日月變家為國授軒籙以
稱尊取地為疆執黃圖而作帝公以因隨折杖俄逐揮鞭遂
步龍沙皆歸鳳闈時

讓國皇帝在儲君時携筆從事雖非拜傅一若師焉自後
讓皇□□ 天授潛龍公為王府郎中重元臣也

天授帝龍飛公授密直學士轉給事除朔州順義軍節度使
檢校太保到任後甘雨隨軒靈珠赴浦已謠五袴家給千箱
袁扇風清庾樓月朗滋王澤也增民事也公蒞勤得替匪敗

政也後以

天順皇帝登大寶公授左威衛上將軍為入班節度使班首
先瑩夫人丁氏有子四人焉長曰正岌為通事舍人舌辯如
川儀溫似玉年過壯室在職而殂次子正密俱為通事舍人
礼倫執珪儀全束帶次子正嵩為朔州順義軍節院使即府
君也小子正峯後瑩夫人王氏子也有女一嫁西臺御史大
夫鄭藉府君生懼四知長無三惑令嚴訓子禮厚睦親娶博
陵崔氏女有子五人長曰思蕃婚而不祿次曰思恭辯李有
知觀星得學娶永和縣劉令女有子二小幼不書焉次子思
敬幼而早止次二幼韓七韓八女二長適天水趙司空小男
一在室府君榮限而終歿期俄及既纏豎禍曷免豐端墮艷
難留輕淪自返春秋四十有八葬於霍山之陽原礼也既傷
去箭復悼藏舟意而書之謹為銘曰

閱世閱川繼生繼死石火風燈浮漚逝水壽不永而皆傷榮
不長而可毀誰謂

府君道匪齊論其來寔曉其去也如口貞妻在室賢子當門
針不熬于二豎藥豈奪于三鬼既失藏舟難留去箭死誰不
傷生誰不羨祿定非改善永可廡已達幽開又何悲戀為擲
立石穴山鎊金確乎不拔線古貞今己年子月慶厚祥深天
長地久永保徽音 乾亨三年十一月八日記

此石于八年前出錦州義縣之雙山誌稱正嵩父諫歷
事四朝而於正嵩則不記一事且遼史記傳亦不見其
父子名殆無足稱述也誌叙正嵩官至朔州順義軍節
院使案地理志朔州順義軍屬西京道節院使之名則
不見於百官志又謂子思恭娶永和縣令劉女案地理

志中京道榆州屬有永和縣注本漢昌城縣地統和二十二年置今視此誌作于乾亨三年已有永和縣名足證史志謂置于統和之失

彭城郡王劉繼文墓誌

高廣各四尺四分三十四行行四十至四十三字不等正書

彭城郡王劉公墓誌銘并序

文章大德賜紫沙門文秀撰并書

詳夫聖凡異矣生滅同焉丘懷逝水之悲聃起患身之嘆高
臣貴賤孰免斯歟察口口於群言口興亡於常道者也

公諱繼文字敏素本太原人也出自彭城河南等二十五
望並自陶唐之後相次分派帝代絕多降至伯翁高祖

皇帝諱智遠翊晉高祖為侍衛親軍英才卓秀器度恢弘

忠貞而玉石比堅謹節而松筠讓操親承五賊妙善六韜內
心腹而外爪牙上匡扶而下邕稜 晉主以忠孝推功除授
河東節度使兼政事令有弟彥崇為內外馬步軍都指揮使
檢校太保洎 嗣晉失位倏變天機乍展雄威俄昇 大器
改號為乾祐元年自是家易為 國魚變成龍玉菜遐敷金
枝迥秀三光朗耀四口晏清 舜日高懸 堯風遠布崇育
敷子 承贊 承鈞 承錡 承鎬 贊即 公之父也元
曰 詔命令坐徐州至乾祐三年 高祖崩逝 少帝
承翰才立禍發蕭牆逆臣郭威僭行篡奪 徐州太子冊而
又誅可謂日月無光乾坤失色 崇坐河東為北平王一聞
之而大怒攘臂恨以發盟切齒為讎誓當剪滅 乃集猘狝萬
隊士卒千群振雷霆之威吐風雲之氣直欲生擒逆黨活捉

紆訛其奈口數未時攻討莫下將謀大事須向天朝遣使結歡願為子父時天授皇帝感其義焉遣使宣恩冊為大漢神武皇帝至乾祐九年武帝崩逝次子承鈞既立改号天會元年威懼三邊恩覃万姓修德是務去佞為懷陳大業於將來流廣澤於當代此即公之料也至天會六年遣公入國淹留七載質而未還後十二年秋帝染疾而逝爰有府主繼恩則鈞之長口也大帝臨終之日謂大丞相耶無為等曰朕之崩後位付繼恩社稷紀綱勿令交紊為等奉勅如日在懷帝乃昇霞臣扶長子即公之堂兄也嗣登九五才滿三旬為侯霸榮陰謀所滅次子大內都點檢繼元亦公之堂兄也運機謀策剪孽除妖荐位登朝重理綱政冊為大漢英武皇帝公

前右金吾衛將軍金紫光祿大夫檢校司空上柱國我皇
開睿澤令衣錦還鄉勅授竭忠匡運功臣保義軍節度陝
西等州觀察處置等使大漢國侍衛親軍馬步軍都指揮使
特進檢校太尉同政事門下平章事陝州大都督府長史上
柱國彭城郡開國公食邑三千戶食實封三百戶適至本國
未久之間又加推功保祚功臣開府儀同三司檢校太師兼
中書令權代州防禦使食邑五千戶食實封五百戶旣蒙
聖澤統綰雄藩百姓揚五袴之歌三軍感單醪之惠泊乎
趙氏犯闕力乏計窮帝念生靈甘當授首公乃見機
而變守節而口駢聲振纓來歸上國郭氏夫人并二子並
皆阻隔吾皇一見撫念非常憇其順國之忠加以真王之
澤勅授佐命功臣北京留守河東節度管内觀察處置等

使兼政事令太原尹上柱國彭城郡王知昭德軍節度事食
邑八千戶食實封七百戶兼以昭義軍節度使檢校太傅取
紹紀長女以妻之即尚父秦王韓氏之甥也方雪太原之
耻將興廣口之基重整戈鋌芟夷奸孽奈何曦霜難保石火
易銷倏深膏肓俄歸逝水壽齡世有二帝罷朝而起嘆
口口以興悲百姓聞之如喪考妣勅下宜霸二州共營葬
禮其耿氏夫人念以同宰義重合禿情深絲蘿口絕口口
口琴瑟停歡於翡翠帳兩兒阻關一女才生金枝莫續於前朝
玉菜期芳於後代恐以時遷歲遠骨腐名銷口口口口口
不朽文秀才非夢筆李愧面牆奉命援毫乃為銘曰
天地大兮有成壞口口口口口口口口口口人至靈兮無定常
石至堅兮無恒在既有身兮既有患不無傷兮不無

口路樹口口口口宿鳥暫聚而終散武皇孫兮少皇

子朝北關兮到於此受國恩兮伍至王功未成

口口口口國之離兮未雪殃魂之逝兮在他鄉七帝相

承何所問三肅孤瘞塔山陽

公長子醜哥次子善哥三年歲次辛巳十一月

乙未朔十五日己酉記匠人攝彰武軍長史趙口口

口口此誌以丙寅夏出熱河凌南縣圖薩喀喇山繼文為北

漢劉崇之孫顧其名不見於歐薛兩史及宋史北漢世

家惟遼史景宗紀保寧元年五月壬寅漢遣李匡弼劉

繼文李元素來賀天清節七年二月癸亥漢雁門節度

使劉繼文來貢方物乾亨元年五月己卯宋兵至河東

漢與戰不利劉繼文盧俊來奔六月甲子封劉繼文為

彭城郡王凡四見吳氏十國春秋有繼文傳蓋采遠史
諸書成之今以誌所記證之歐薛兩史及宋史北漢世
家頗有異同得失互見條舉之如下誌稱高祖有弟彥
崇諸史皆但作崇不云彥崇誌載崇有數子承贇承鈞
承錡承鎬歐史東漢世家載男子十餘人皆無可稱者
當繼元時有鎬錯錡錫銑于繼元為諸父皆為繼元所
殺獨銑以佯愚獲免續資治通鑑長編九則作世祖十
子鎬錡錫獨多賢行北漢主幽囚之踰年皆死惟銑以
佯愚獲存誌但載贇鈞錡鎬而不及錯錫銑又稱承贇
承鈞承錡承鎬宋史北漢世家稱鈞初名承鈞則鈞之
兄弟名初皆冠以承字故歐史尚稱承鈞不作鈞也誌
稱贇即公之父也十國春秋繼文傳但稱繼文為世祖

嫡孫而不知為贇子賴誌知之誌稱乾祐三年高祖崩
逝兩史均載高祖以乾祐元年正月崩誌作三年殆載
筆者之誤誌又謂少帝承翰才立禍發蕭牆誌之少帝
即五代史之隱帝顧兩史均稱隱帝名承祐故歐書隱
帝紀注謂帝名承祐年名乾祐舉國臣民共稱而不改
避為當時莫大之失今觀誌作承翰知必為避年名改
祐為翰史氏失書賴誌知之也誌稱崇坐河東為北平
王諸史皆不言崇有北平之封惟高祖紀載高祖以開
運二年曾封北平王豈崇曾襲此封耶誌謂次子承鈞
既立改號天會元年兩史載承鈞天會改元在即位第
三年初即位兩年仍稱乾祐八年九年此殆亦載筆者
之失也誌稱天會八年遣公入國淹留七載此事不見

遼史本紀續資治通鑑長編十一載開寶三年北漢主遣使持禮幣賀契丹主樞密高勳言于契丹主曰我與晉陽父子之國也歲嘗遣使來覲非其大臣即其子弟先帝以一怒而盡拘其使甚無謂也今嗣主新立左右皆非昔人國有憂患甯不我怨宜以此時盡歸其使契丹主曰善乃悉索北漢使者前後凡十六人厚其禮而歸之記遼之歸行人值宋開寶三年為遼保甯二年逆數前七年當遼應曆十四年為漢天會八年則繼文保甯元年尚在遼未還與景宗紀稱保甯元年五月繼文入貢所記實相矛盾疑當如誌所記天會六年為得保甯元年繼元嗣位與高勳言嗣君新立之說正合由天會六年至保甯元年凡八年除遣歸之年在遼凡七年

也十國春秋英武帝紀載歸使臣十六人在天會十四
年則為保甯二年又差一年不知何所據也誌稱繼恩
嗣登九五才滿三旬為侯霸禁陰謀所滅宋史北漢世
家並作立六十日

北宋編年作六十餘日

未知孰為得也誌稱遠

冊繼元為大漢英武皇帝遠史景宗紀但稱應曆十八
年秋七月漢主承鈞殂子繼元立來告遣使吊祭十九
年三月甲寅繼元遣使乞封辛酉遣韓知範冊為皇帝
不及英武之稱李暉天龍寺千佛樓碑稱上御宇之八
年乙亥六月十六日於正殿受英武皇帝兼頒龍衣御
帶駟馬調鞍別賜神旗鼓吹乙亥為保甯七年漢之廣
運二年誌稱我皇開睿澤令衣錦還鄉勅授竭忠匡運
功臣除保義軍節度陝虢等州觀察處置等使大漢國

侍衛親軍馬步都指揮使特進檢校太尉同政事門下
平章事陝州大都督府長史上柱國彭城郡開國公食
邑三千戶食實封三百戶適至本國未久之間又加推
功保祚功臣開府儀同三司檢校太師兼中書令權代
州防禦使食邑五千戶食實封五百戶續資治通鑑長
編十一契丹主命李弼為樞密使劉繼文為保義軍節
度使詔北漢主委任之繼文等久駐契丹復受其命歸
秉國政左右皆譖毀之未幾繼文為代州刺史弼為憲
州刺史與誌正合十國春秋繼文傳遠主移書令以繼
文同平章事繼文歸秉國左右害其寵多譖毀之已而
出為代州刺史殆即本長編十國春秋雖摺拾成書然
至精密此其一端矣誌稱趙氏犯闕力乏計窮驅轂振

纓來歸上國吾皇勅授佐命功臣北京留守河東節度
管內觀察處置等使兼政事令太原尹上柱國彭城郡
王知昭德軍節度事食邑八千戶實封七百戶續資治
通鑑長編十一載契丹主下詔責北漢主曰朕以爾國
連喪二主僻處一隅期於再安必資共治繼文爾之令
弟李弼爾之舊臣一則有同氣之親一則有耆年之故
遂行並命俾效純誠庶幾輯寧保成歡好而席未暇暖
身已弃捐將順之心於我何有北漢主得書恐懼且疑
繼文報契丹乃密遣使按責繼文繼文以憂懼死又二
十記太平興國四年五月癸未平北漢條注國史郭守
文傳云劉繼元弟繼文據代州依契丹以拒命守文討
平之按九國志則繼文前死矣此蓋守文墓誌所載國

史因之今不取均謂繼文前死遼史景宗紀謂乾亨元年五月繼文來奔六月甲子封彭城郡王與此誌均足正九國志等書之誤誌不載繼文卒於何時文末亦不載年號但云三年歲次辛巳十一月考乾亨三年歲次辛巳北漢之亡在乾亨元年五月則繼文至遼再逾歲即卒據誌繼文奔遼時夫人郭氏及二子並未與偕入遼後續娶耿太傅長女甫生一女其兩子長醜哥次善哥不知後曾入遼否繼文國亡不肯隨降王入汴羈身大高朔漢雖遼主遇之至厚然齋志沒世後人攬其事迹良可悲矣撰文人為溜流不能以工拙議之然頗可考證當時史事遼石中之至可珍者也

內容省使韓瑜墓誌

高三尺廣三尺一寸三十三行行三十八字不
等正書蓋篆書故昌黎韓公墓誌之銘九字

故內客省使檢校太傅贈太尉昌黎郡韓公墓誌銘并序

前進士郝雲撰

夫高門襲慶列爵疏封雄飛資廟食之文鹿鳴叶朝讌之雅
若乃真先王之胄緒大建侯之勳庸繼世聯芳載書備簡韓
之先與周同姓武王封於韓原號韓武子後與趙魏滅范貞
子遷之平陽安王始為六國自韓之後因生賜姓族氏不遷

本大則枝出惟繁源濬則流長靡竭拜前封後從昔至今宗

躅弥昌豐謀盡紀近代則起家於燕壤仕祿於遼庭焉曾

祖為大司馬英氣拔倫風襟特秀討惡助中卿之典若疇遵

祈父之詩王父諱知古臨潢府留守守尚書左僕射兼政事

令始逢昌運兼綰重權如蕭何獨守於留司孔光不言於温

省列考燕京統軍使天雄軍節度管内處置等使開府儀同
三司檢校太師兼政事令鄴王石麟稟異風虎騰祥文武敵
万人之英將相備累朝之傑三分上爵一字真封忠貞則
元后腹心仁惠則黔黎膏沐公諱瑜字即鄴王夫人蘭
陵氏之長子也生而魁偉幼有端良雅好大謀卓聞奇節趨
庭就傅學詩禮以檢身筮仕勤王便騎射而成性應曆中
初補天雄軍衙內都指揮使尋詔赴闕授銀青崇祿大夫
檢校工部尚書右金吾衛將軍兼御史大夫上柱國行止可
度必以廉能夙夜在公曾非曠怠景宗皇帝紹位之始命
選禁衛端求蓋臣以公壯志不群良圖可用授控鶴都指
揮使絳州防禦使檢校司空尋授金紫崇祿大夫檢校太保
左羽林軍大將軍紫庭奉職耀簪紱以輸忠紅旆禦戎森戈

予而稱略遷授客省使祗膺載勵循牆益恭朝廷嘉之改

授內客省使檢校太傅守儒州刺史仁化洽於六候政聲隆

於雙闕自任復詔充內客省使崇祿大夫檢校太傅兼

御史大夫上柱國昌黎郡開國侯食邑一千戶食實封一百

戶遇聖明之代當要重之榮束帶立朝有儀可效對揚

休命發言盈廷洎統和間以太階未平渠魁作孽曹來犯境

涿易屯兇及賊師既潰詔公摧涿州刺史實謂當難安之

秋得惠和之牧次年昭聖皇帝哀燕民之若子忿趙氏以

如雉北率天兵南行國討仍觀敵寇據彼長城築壘猶堅

橫戈甚衆公方當扈從切在剪除以奪人為先謀以亡軀

為盡庠因俯營擒狡釋鎧傳宣攻長城口俄為流矢中首

然雖抱楚尚更摧鋒金瘡尋發於朝昏委命幾臨於泉壤

承天皇太后愈憐忠赤愛之如母子之慈皇帝復念舊勲痛

乎竭君臣之義疊頒醫詔親視殞傷嗚呼樂盡悲來福盈

禍構賢愚並歎今昔寧逃以統和五年十一月十日薨於行

次享年四十有二尋載靈柩而歸權厝於霸州之私弟皇

上以階爵未峻賙贈有加殊錫恩輝載超倫等追贈太尉

所以旌忠孝也國朝深論吉地允擇通年鄴王夫人方

承天睽深被國恩足以崇骨肉之親薦家門之孝率諸

昆季具寔如初以統和九年歲次辛卯十月丙寅朔八日祭

酉改葬於霸州之西青山之陽禮也始娶夫人蕭氏先亡合

祔於此夫人生九男三女長男曰越孫早亡次阿骨兒亦亡

次駭里鉢亦亡次寶神奴亦亡次福孫亦亡次栲栳亦亡次

三哥年幼次四哥亦亡次高神奴亦亡次女揚佛喜早亡次

羅漢女次堰弥吉俱在室尚幼繼室夫人蕭氏誠歎未亡禮
無再嫁 公英雄授爵膽氣過人高貴相承交遊不雜宜乎

萃讜言而致壽弘茂績以流芳 柰何遇隙興嗟臨川告逝必
使松楸間植表滋龜兆之占陵谷縱遷尚固牛眠之異俾營
豐樹用刊貞珉其詞曰

公之高貴 繼世聯芳 挺生魁偉 克蘊端良 禮樂是

悅 騎射斯彰 歷官禁省 効節疆場 揮戈深入 流

矢橫傷 魂飛戰壘 骨歸故鄉 皇情哀慟 宣贈弥光

事君事父 忠孝備昌 万載千秋 芳聲不亡

此誌今在朝陽孔廟文半磨滅近人修朝陽縣志曾載

其文謂丙寅歲出縣西二十里之朝陽溝距今才二十

年字已多磨滅殆妄人欲滅去其字作他用也茲遇有

己磨滅之字則就縣志本側書之誌稱瑜祖知古臨潢

府留守尚書左僕射兼政事令考燕京統軍使天雄

軍節度管內處置等使開府儀同三司檢校太師兼政

事令鄴王書祖名而不書考名證以同時所出瑜子摛

墓誌知鄴王名匡美韓摛墓誌燕京統軍使天雄軍節度使開府儀同三司贈守大將軍兼

政事令行魏州大都督府長史也知古遼史有傳附子匡

嗣而不及匡美家大人跋韓摛誌謂匡美職位甚崇

而史無傳僅于景宗紀一見得知其封鄴王年月耳遼史

景宗紀保甯三年春正月辛酉南誌稱瑜以征宋中流

矢卒於統和五年十一月案宗遼兩史宗以雍熙三年

當遼統和四年正月上將北伐其初兵勢頗利及三月遼帝侍

皇太后親征宋軍大敗至次年春而戰事已畢何五年

十一月瑜乃以戰死豈中流矢在前一年至次年金創
舉發至十一月乃卒耶瑜九子亡者八人僅一名三哥
者存其人即後名檣者也瑜官至內客省使檢校太傅
贈太尉且卒于行次以身殉國其姓氏乃亦不見於史
冊遠史疏畧此其一斑矣

岳州刺史王隣墓誌

高三尺三寸四分廣三尺二寸四分二十
七行行三十一至三十三字不等正書

岳州刺史太原公墓誌銘并序

誌者形於吾而侔於法觀其行而立其規矩可以播徽猷
而揚威烈徽故事而著英聲若以課虛焉能務實匪銘匪石
無以彰口口之談乃質乃文可以叙莫窮之紀承其大體敢

搆荒辭陳三代之嘉名垂千年之人範其先太原瑯琊國

□□太子晉之後□祖任儒州刺史□烈考大郎君諱繼溫
不仕娶北平氏次弟諱繼□授銀青崇祿大夫檢校尚書左
僕射娶彭城氏□公昆季五人□長兄諱顥不仕次弟諱
隣字德潤軋亨二年授東班少府銀青崇祿大夫兼監察御
史武騎尉以統和三年授銀青崇祿大夫使持節降睢州諸
軍事行降睢州刺史兼監察御史武騎尉次統和十四年授
銀青崇祿大夫檢校國子祭酒使持節岳州諸軍事岳州刺
史兼監察御史武騎尉次統和十八年授蔚州錢帛都監次
統和二十一年授上京都商稅院都監次弟諱操武定軍山
河指揮使次弟諱政統和五年授右蕃殿直次統和九年授
西頭供奉官銀青崇祿大夫兼監察御史武騎尉次統和十
年授銀青崇祿大夫檢校國子祭酒行閣門通事舍人兼監

察御史武騎尉次第口啓聖軍衙內都指揮使長兄娶隴

西氏次娶清河氏次娶弘農氏次娶彭城氏次娶天水氏兒

姪守密供奉班祗候次守琢興國軍衙內都指揮使次守口

口口軍山河指揮使次守元供奉班祗候次守口次守寧次

守教次守嚴次守璫次守順次口佛留次通兒次口口公

以金玉之才應風雲之會口勤二聖口口兩朝陪口驚而

寒暑無移口鑿輿而夙夜匪懈資忠履信口直懷柔經任使

以奉公歷口馳而守法謀合神勝妙簡帝心或征討以獲功

或銜宣而口道爰口口口使口專城布政口口疲民之母父

扶危寧亂為聖主之股肱甘雨隨軒仁風遠口口承羨替

又降皇恩授以監職選茲清操口口口口口口口口納稅口

而無黨無口口口口口口公私得濟致時殷而俗阜感仁洽以

義豐未許幹勤忽縈疾口數口良藥莫遇秦醫仰天道以難
 論歎人生之到口公享年六十有二於統和二十口年二月
 十一日卒口口口口取當年十月三日葬之禮也又取統
 和二十四年十一月一日卜其吉地口以玄堂日往月來窳
 口口口口悼天長地久難追口岱之魂口等方命下才口
 成拙口謹為銘曰挺生間氣命世英才相時而動
 應運而來兩居郡守口口口平仁口既口口口
 口口授皇具兩臨重務口職口口口口口口口口口口
 忽口夜舟逝水同流牛服兮符吉地掩玄冥兮千秋
 統和二十四年十一月一日故記

此誌往年出熱河平泉縣今藏奉天博物館文字拙劣
 前題岳州刺史太原公墓誌而文中不著其名但云公

昆季五人長兄顯不仕次弟隣字德潤使持節岳州諸
 軍事岳州刺史次弟操武定軍山河指揮使次弟政右
 番殿直次弟口啟聖軍衙內都指揮使以官職考之知
 此誌之太原王公即隣也誌叙其子姪凡十三人不能
 別其所生其姓字亦均不見諸遠史岳州地理志屬東
 京道有巖州白巖軍下刺史本渤海白巖城誌作岳乃
 巖之俗字至誌中所記官職如監察御史金史百官志
御史臺有監
察御史十二
員殆仍遼制蔚州錢帛都監上京都商稅院都監金史
百官
志有中京都商稅
副使一員殆即遼之商稅院武定軍山河指揮使右
 番殿直均不載於百官志可補史缺西頭供奉官當即
 志之西頭承奉官

贈檢校太師王說墓誌

高四尺二寸廣四尺零五分四十四
行四十二至四十八字不等正書

□□□太師□□公墓誌銘并序 寧王府□官□□

撰

公以□□為人傑清純為國□□角□文□□□□□鈐

神授才畧天然踵二八臣契半□運鷹揚其勢虐變其姿生

佐聖主閭□□□□□明朝□□事既□□□何序焉永往

名留非玉牒金版可紀影沉譽振非鱗門貞珉可書刊錄斯

深古今不朽

公諱說字夢徵其先太原瑯琊國□王太子之後□林云□

□天地人一貫三為王天下□往

祖諱納爰因

大聖皇帝攻□天下宅心向化迴□歸盟一見□法應國風

口口授守吏部尚書門下侍郎次純和守正佐理公臣宣徽
使特進檢校太傅開國侯食邑一千戶 夫人口氏生三子
長諱崇口不仕次崇信授東頭供奉官次遠西州刺史 夫
人石氏生二子長口口不仕次口口授口口口口公口口
口詩崇口曰生口口儒口兩州刺史
夫人崔氏生八子長口口不仕次公口口口口口口口口
口國口口口口口口口口明黜惡來官口賢霑雨露恩應雲
龍會授西頭供奉官克勤扈蹕口節從鑾授初階次口口使
檢校國子祭酒加檢校口口賓客掌御莞口宸遊無失從禽
虞獵獸次軍器運使孤矢既精戈干口引次翰林茶酒使主
司九口口口一人次口口口都部署加金紫檢校司空上柱
國靡怠於營置全口邑授亳州防禦使檢校司徒知口州判

史口削銀青授金紫平水口口山河次上京副留守政肅
刑清民殷俗阜次奉先軍節度使檢校大保行顯州刺史上
柱國瑯琊縣開國男食邑三百口口口駟馬擁雙旌奉
宣統制兵夫口招擾界次積慶宮口兒渤海都部署口口
日口口於宮口奉口口口口宣同監國政權宣徽及五宮院
事燕京管內局稅都點檢為樞口口口口口口口口口夫
檢校太尉

口口口口以兩國通和方方歸一口口口口口口口口授
忠勤奉主功臣寧海軍節度口口州刺史瑯琊郡開國侯
食邑一千戶加四字口口口口口口口口口口口口口口宣

為板築都部署口口口口口口口口口口口口口口口
宣差中京口口口口口口口口口口口口口口口口口口口
大內口口口口口口口口口口口口口口口口口口口口口口
居國內節錢口權掌口

皆在指呼次第希□□□頭供奉官相次轉至涿州刺史上
柱國瑯琊縣開國男食邑三百戶□□弟希顏不仕次希□
□右番殿直授西頭供奉□□鑾副使次第希弈不仕次第
希濤授左番殿直次第希□權閤門舍人文雅公□□遙建
彼□□□皇都營築勞神板圖任重加授戶部使掌戶籍轄
□夫大內既成□□□已就功名未顯疾病俄縈空伏枕以
纏□□□□□羸悴○宣名醫仰天道以□□歎人生之到此
聖上賜良藥□□□□聖□之股肱□壽既以□疲尸
貞魂忽散□□□□聖□之股肱□壽既以□疲尸
之父母去統和二十五年七月三日壬□時薨於中京享年
五十□七次遷神柩於建州北私宅以當年十月七日庚時
□殯之禮也既□□□□焰芝蘭之香□□□□逐清風金

口在世之休聲不弃小才用口口德操口口口口流謹為

銘曰

偉者賢良來輔聖口口口資廕蒞事朝堂

自供奉班授諸口口口郡著公方克懷忠赤

修皇子口口口到口口口折獄能口口共軒是誰

帝輦俄遷口口是守義感群心德傳衆口口口

貴封五等首冠六宮金輝玉潤仁洽道豐

建都構厦竭力輸勤基成事立口世泰時殷

將顯元功忽經痼疾雖賜靈丹難痊英質

忍辭明代恨乏夜舟萬里風慘玄堂月秋

神姿忽掩在高墳萬載千年喻不口

統和二十六年歲次戊申八月己丑朔二十日戊申匠

人劉全進

太平七年歲次丁卯正月戊寅朔十七日甲午 濟陽郡夫人蔡氏薨於顯州之私第是歲四月辛未朔二十日甲午申時祔葬 先太師之北口禮也

此石亦近年出熱河平泉縣今藏奉天博物館石破裂已甚致文多殘缺誌叙說職官甚崇子姓亦多顯宦而姓名不見遼史文中有授亳州防禦使語考遼史地理志無亳州可補史志之缺誌中明字缺末二畫避景宗諱然民字亦缺末畫殆諱同音字歟此誌作於統和二十六年逾二十年葬夫人蔡氏又加刻末二行唐人墓誌已開此例

孫允中石棺題銘

棺周刻四靈銘列前端高一尺廣九寸五分三行行十二字正書

承奉郎守貴德州觀察判官試

大理司直賜緋魚袋孫允中

開泰七年歲次戊午

此石棺長三尺許于庚午歲夏出奉天城內今存奉天

博物館發掘時壙中得石俑二瓦餅一棺內無骨殖殆

所以納骨灰者遼史地理志東京道貴德州寧遠軍下

節度本漢襄平縣地百官志有某州軍觀察判官惟大

理司直金史官志大理寺下有不見志可補史之缺畧

志亦不載文武官階允中之承奉郎乃文官七品以下之階也

中京提轄使宋匡世墓誌

高三尺一寸四分廣三尺一寸八分三十五行行三十二字正書

故儒林郎前守北安州興化縣令晉國公主中京提轄使宋
府君墓誌銘 并序

外甥中京留守判官朝議郎尚書吏部郎中賜緋魚袋

王景運 撰

夫千里駿馬綽有奇蹤市不貴則踣影於厩下十用寶龜鬻
為神用卜不襲則口尾於泥中長鳴徒号於騏驎至異尚群
於魚鼈物既有矣人豈不然粵若我故口平提轄府君志
欲展而時未至年方盛而命已終之謂歟 府君諱匡世字
成績則故榆州刺史太傅之子今長慶軍節度使太尉之弟
前宜州弘政縣令負外之兄其宗祖詒謀世家迭盛先誌
具載今不復道 府君性本恬和行惟端謹者學則融玄讓
奧屬詞則舒向稱奇奉親族以孝聞共用友以信著慕古人

而為善善不可嘉體君子以好恭恭而有禮靜因欺於暗室
動靡託於權門殊非觀國之賓實曰保家之主統和十六年
故樞密使魏王聞其器業降以恩榮起家署為都孔目官
洎專呈對尤見幹能謂左右而任得其人願出入而可使為
宰特奏授將仕郎北安州興化縣令一同布政疲民受賜於
三年九月開躔賢相選才於百里秩滿授大定府都市令
日中播美帝里傳馨果達宸聰擢居要職未幾授北面
都孔目官仍加階級超試官資扈隨漸列於近司敷奏或推
於幹局俄屬今
主上堯階受冊舜曆改元攝毛詩博士押鹵簿道駕禮畢
會中宮之愛弟開外館以親迎戶民既益於賦租錢穀復
資於主轄改授晉國公主中京提轄使頗霑厚賜尚帶前銜

衣錦而歸方動吳人之慶逝川不已遽傷魯聖之懷無何太
平五年五月十八日遘疾啓手足於提轄公署之正寢春秋
四十有八權厝於京南義井院精舍以太平六年三月七日
歸窆於榆州南和鄉餘慶里鹿鳴山先塋之左舉二夫人
祔焉禮也府君前娶吳氏建雄軍節度使渥之女後娶李
氏今夫人馬氏前東京轉運使澤之女柔嘉叶詠貞順成風
奄違偕老之期恒抱未亡之恨二男孟曰福先奴仲曰福聖
奴丹穴鳳鶉羽儀猶矩注泉驥子骨力本奇伫俟成人俱為
令器二女長適進士王景錫次許適刘可升待年而未行而
皆處閨閫以稟姆儀事舅姑而遵婦道口鍾慈愛寧喻痛傷
府君初以哀送之日冠蓋傾都緇黃塞路踵拜於焉罷市
閭巷為之不歌非夫平生善行何感人之如是加以慎靜寡

言臨事能斷友於兄弟信重佛僧疏財物而若閑撫貧弱而
以惠虞世南之五絕筆翰尤精劉道民之百口書檄兼妙然
而名不逮器用匪稱材樂天知命以是圖口素全真而無悶
追慕口昔口不尤人所恨二男成童空留餘訓一女在室靡
遂送口嗚呼哀哉渭陽口口口同氣之情舉飾終之禮同
訪遺美思刻貞珉以景運西掖司言早曾弄翰南曹應口近
又口口口修泉壤之文用徭陵谷之變矧叨外戚敢執芳猷
承嘉命以不遑効直書而無口謹為銘曰
世祚靈長時由陰隲載誕英奇咸推貞吉王庭薦
召君門委質擢近駕行口隋鳳蹕畫錦方衣夜
舟遽口兒女哀號兄弟黯鬱月遲遲兮春秋口靈
輜發兮適牛眠啓厚口口歸故里祔先塋兮開新阡

爰勒名於翠琇 庶万祀而千年

此誌出熱河省凌源縣北小城子附近今歸奉天博物
館誌稱匡世故榆州刺史太傅之子長慶軍節度使太
尉之弟宜州弘政縣令員外郎之兄但書官爵而不書
名尚沿六朝以來誌墓之例匡世官北安州興化縣令
考遼史地志北安州興化軍上刺史屬中京道所統僅
利民縣一無興化縣而金史地志謂興州寧朔軍節度
使本遼北安州興化軍興化縣承安五年陞為興州縣
二興化宜興興化注倚遼舊縣皇統三年降興化軍置
隸大定府則是遼興化軍原有興化縣也文中所記人
名于史傳無徵惟撰者王景運見聖宗紀開泰六年秋
七月書遣禮部員外郎王景運等分路案察刑獄至所

記官名尤多不見于史志如王府都孔目官晉國公主

中京提轄使大定府都市令北面都孔目官均可補史

志之缺畧金史百官志三大興府尹下有都孔目官不常置又有孔目官又市司唯中都置令一員

丞一員均沿遠之舊制惟據此誌則遠於王府及北面均置都孔目官于大定府亦置都市令耳

聖宗皇帝哀冊

高廣各五尺五寸三十五行行三十六字正書蓋書文武大孝宣皇帝哀冊九字篆書

文憲大

孝宣皇

帝哀冊

文武大孝宣皇帝哀冊文

推忠翊聖保義守節同德功臣樞密使開府儀同三司左丞相守太傅兼政事令

監修國史上柱國魯國公食邑一万户食實封壹阡户臣張儉奉

勅撰

維太十一年歲次辛未六月丁丑朔三日己卯
睿文英武宗道至德崇仁廣孝功成治定啓元昭聖神贊天
輔皇帝崩于大福河之行宮以其月八日甲申發赴慶州八
月丙子朔二十七日壬寅殯于
攢塗殿之西階有司定議上
尊謚曰
文武大孝宣皇帝廟號聖宗即以冬十一月甲戌朔二十一
日甲午遷座于
永慶陵禮也古樹號風寒山帶雪會同軌於萬方啓攢塗於
七月縞仗俄排祖庭斯設凌晨將御於龍輶遠日欲辭於鳳
闕哀子嗣皇帝臣宗真孺慕絕漿哀推泣血爰命召於輔臣
俾祖述於鴻烈其辭曰
肇兮覆載建立皇王德
惟善政邦乃其昌遠則有虞大舜近則唐室文皇既比崇於

功業故可得而揄揚

先皇帝位續六朝君臨四

紀乃聖乃神盡善盡美自推戴以居尊每勵精而求理昔也
朝元聽政長樂承

顏行孝治於天下布惠化於

人間舉直措枉求賢審官詔搜巖穴庭列鴛鸞視兆民而如
子敷五教以在寬以欲從人盛暑不張於傘蓋去奢從儉常
朝不服於羅紈乙夜觀書披衣待旦博採撫於典謨恒憂勤
於聽斷寶穀務農從繩納諫惠養鰥寡欽恤刑名稟道毓德
惡煞好生洽前代無為而治見時政不肅而成四民殷阜三
教興行開拓疆場廓靜寰瀛東振兵威辰卞以之納款西被
聲教瓜沙絲是貢珎夏國之羌渾迷職遐荒之烏舍來賓惟
彼中土曩歲渝盟自汴宋而親驅虵豕取并汾而來犯京城
絕信弃義黷武窮兵蓋

先朝之積愆須再駕以徂征

七德制勝千里橫行戈戟霜攢而蔽野鼓鼙雷動於連營逢
大陣而皆尅攻邊壘以旋平凋瘵戶民盡離居而失業傷殘
將卒竟閑辟以偷生遂仗黃鉞直拒洪河會若林之銳旅揮
却日之凋戈我欲濟以焚舟彼方危於累卵乃命使軺疊伸
誠款懇求繼好乞効刑牲貢奉金帛助贍甲兵尊

聖善而庶稱兒姪敦友愛而願作弟兄保始終之悠久著信
誓於丹青因迴天睠俯順物情念茲懾服爰議凱旋行與國
之大義解諸夏之倒懸下詔而歡聲動地班師而利氣盈川
暫勞吊伐永息烽煙自兩朝修聘已三十餘年取威定霸燁
後輝前至若天錫勇智神贊聖聰無幽不燭有感必通化民
成俗比屋可封祝史正辭備禮而交禋天地奉先思孝謁陵
而追冊

祖宗欲固丕基恭行茂典繼正體而立元良啓承華而開望
苑慶帝祚之昌延見皇圖之宏遠方期偃修御極垂拱臨軒
保遐齡於萬壽應寶運於千年照臨如日覆燾如天揚周王
歸馬之風正安下土促軒后乘龍之馭遽歎上僊嗚呼哀哉
九霄降禍四海纏哀積陰晦而告變經旬浹而不開厭留塵
世却返瑤臺嗟貞魂而何往隨逝水以無迴嗚呼哀哉虞殯
將期宋朝感義命六使以臨喪備百物而來祭諸侯畢至群
方咸暨奠旨酒以如澠思賁本全中仁君而流涕嗚呼哀哉疊嶂千重高凌碧空虔奉遺旨卜葬
玄宮負龍峒之巨麗敞神闕以彌崇洎窀穸之協兆皆匍匐
而送終嗚呼哀哉殿幕開兮星已稀靈駕動兮天欲曙馬踣
地以悲嗚人執紼而號訴丹旒翻風金錢買路百寮哭兮不

聞萬乘泣兮何怙嗚呼哀哉入松阡兮駐金輅藏玉匣兮掩
泉門愁雲忽慘夕照俄昏往如慕兮灑雙淚返如疑兮傷百
神功高今古道煥典墳俾形容於聖德遂聊宣
乎斯文嗚呼哀哉

此文張儉奉勅撰首稱維太平十一年歲次辛未六月丁
丑朔三日己卯睿文英武宗道至德崇仁廣孝功成治定
啟元昭聖神贊天輔皇帝崩于大福河之行宮以其月八
日甲申發赴慶州八月丙子朔二十七日壬寅殯于攢塗
殿之西階有司定議上尊謚曰文武大孝宣皇帝廟諱聖
宗即以冬十一月甲戌朔二十一日甲午遷座於永慶陵
禮也今考之遼史得異同五事聖宗紀載景福元年閏十
月壬寅上尊謚曰文武大孝宣皇帝廟號聖宗冊文則上

謚在十一月一也紀載聖宗最末所上尊號在太平元年十一月癸未作睿文英武遵道至德崇仁廣孝功成治定昭聖神贊天輔皇帝誤宗道作遵道昭聖上奪啟元二字二也興宗紀載六月乙未奉大行皇帝梓宮殯於永安山太平殿景福元年八月壬午遷大行皇帝梓宮於菴塗殿與冊文作六月八日甲申發赴慶州八月丙子朔二十七日壬寅殯於攢塗殿不合三也興宗紀景福元年七月甲寅建慶州於慶陵之南徙民實之冊文稱六月八日赴慶州是六月已有慶州之名又慶陵冊作永慶陵四也文前張儉結銜推忠翊聖保義守節同德功臣樞密使開府儀同三司左丞相守太傅兼政事令監修國史上柱國魯國公食邑一萬戶食實封壹仟戶張儉傳稱開泰中累遷同知

樞密院事太平五年出為定武軍節度使六年入為南院

樞密使拜左丞相

聖宗紀太平五年三月壬辰以左丞相張儉為武定軍節度使六年三月戊寅

以大同軍節度使張儉為南院樞密使紀傳不同封韓王帝不豫受遺詔輔立太

子賜貞亮弘靖保義守節耆德功臣拜太師中書令尚父

徙王陳與此所載結銜多不合五也五者之中或慶州之

設確在七月撰文者由後追記遂於六月己豫書慶州亦

未可知其餘則皆當據此以勘正史氏者矣

家大人遼帝后哀冊文錄

遼帝后哀冊于七年前出熱河省林東縣西白塔子西

方同時所出九石契丹國書者二漢文者五皆有蓋又

一則蓋存而碑佚今均藏奉天博物館

遼聖宗陵經幢殘石

石殘存三由第一石高二尺九寸廣二尺二寸十一行存十二字至十七字不等第二石高二尺八寸廣一尺一

寸六分五行十七字第三石高二尺廣二尺二寸十二行行五字至十字不等正書

上關 口口口口國難於浚都誘天衆於口口口

上關 口口口口廟捨爵於庭文德敷而劔口口

上關 口口口口魯衛鄰歡方固國訃俄臻繼督

上關 口口口口世字氓嚴天類帝治臻垂拱既

上關 口口口口返於帝鄉植壁在壇徒執書於

上關 口口口口皇太后撫柩銜哀臨朝稱制遺弓有

上關 口口口口中宸

上關 口望開銀榜以建儲既安社稷之基遂考

上關 而積慤以口月十八日扶護御襯權厝於

上關 勤政務嘗因時豫親卜岡塋豈比象耕遠

上關 欽奉遺言躬臨吉地詔台臣而蒞典程日

闕上 口口日移寔於新營慶州之攢塗殿由是博

闕上 言日

右第一紙

闕上 咸完正封表域既盡口於皇堂衾襚旅庭

闕上 口悲於喪考群方稟朔媚陳輸會葬之琛

闕上 口口口口口口口口皇帝王覆四方雖居至

闕上 口口悵俯臨於遠口龍才啓帝犀駉移輜

闕上 口口口口口口口於北闕雀臺凝望永

右第二紙

闕上 口口口口口口口崇重法

此間原

闕上 口口如忘功於亭育履遺

闕上 口口引造禿口或寶女之

闕上 才路則萬行首榜嚴宣妙

闕上 口阨羅尼幢一座徵求楚

闕上 口口以才楹鸞鸞翩翩而

闕上 口口阨煥秘密之文上

闕上 口口口芥結華步之印

闕上 口口口瑞氣於重巒靈

闕上 口口口聖以悲心擁護如

闕上 口口口口十地塵露窈

右第三紙

右文字刻石幢上今但存下截在林西縣但見拓本三紙
不知幢凡幾面每面幾行及其文之先後姑分三截錄之

長孫繼祖因文中有皇太后撫柩銜哀臨朝稱制語又有
嘗因時豫親卜岡塋及親奉遺言躬臨吉地與移窆於新
營慶州之攢塗殿諸語考之遼史興宗紀載興宗即位皇
太后聽政帝不親庶務羣臣表請不從重熙元年春正月
壬申朔皇太后御正殿受帝與羣臣朝地理志慶州玄寧
軍聖宗秋畋愛其奇秀建號慶州曰吾萬歲後當葬此興
宗遵遺命建永慶陵與石文正合則此幢之為聖宗立審
矣此本為黑田博士所贈予既據以入錄并記長孫語于

後

家人大
跋

卷一

滿洲金石志卷二

上虞五羅福頤校錄

遼

張哥墓誌

高一尺八寸五分廣一尺九寸三分
三行行十一字至十七字不等正書

南瞻部州大契丹國奚王府

槿攬毋呵長管具劣男

太保張哥墓至一竭

夫聞祖伐高顯此輩名傳宋為佐國之臣今作擎天之柱遺

流聖跡後代迆移僕古記於千秋題碑文於萬歲此墓東接

徐州景西連翠峯山北面伽里鎮南有玉石岩上面連霄漢

下徹定生開八方齊統領四海盡成班青陽郡奚耶律

太保張哥男毫次男望哥孫子韓九

七哥王八王九

十一重孫豆咩口

重熙四年十一月乙巳朔己酉日開

此石今藏奉天博物館誌文字並劣首題大契丹國奚王府撻覽母呵長管具劣男太保張哥墓至一竭考遼史百官志北面部族官奚六部在朝曰奚王府屬官有先離撻覽官其母呵長管具劣殆遼國語今不可解意張哥漢人而仕于遼故誌有字為佐國之臣語墓至一竭者乃墓誌一竭之謠

宣徽南院使韓檣墓誌

高四尺四寸五分廣四尺七寸二分四十五行行五十六字至五十九字不等正書蓋正書韓公墓誌銘一行

大契丹國故宣徽南院使歸義軍節度沙州管内觀察處置

等使金紫崇祿大夫檢校太尉使持節沙州諸軍事沙州刺

史下闕約黎郡開國侯食邑一千五百戶食實封壹伯伍拾

戶韓公墓誌銘 并序 朝請郎守尚書右司郎中充史館

修撰武騎尉賜紫金魚袋李萬撰

公諱楷字正聲其先曲沃桓叔之苗胄也建功于翼食菜于

韓惟彼元昆以邑命氏若乃劃分三晉森峙六雄燼餘方絕

於祖龍基構特新於天漢成既賜胙卜宅頽川信亦分茅築

都代土其後徙居昌黎因為其郡人則著姓之籍不其盛歟

我聖元皇帝鳳翔松漠虎視薊丘獲桑野之媵臣建柳

城之冢社威宣十乘化被一隅推忠契運宣力功臣勳武軍

節度東南路處置使開府儀同三司守尚書左僕射兼中書

令諱知古曾口父也魏之畢萬早稱必復魯之僖伯終謂有

後紹興蕃衍嚮用崇高協謀守正翊衛忠勇功臣燕京統軍使天雄軍節度使開府儀同三司贈守太師兼政事令行魏州大都督府長史上柱國鄴王諱匡美祖父也抱舩驥之宏用膺帶礪之宗盟高揭將壇始縻王爵先娶秦國太夫人生二男一女長子列考次子瑀左監門衛將軍早亡女適劉宋州侍中男而殂又以天壽昌恭順昭簡皇帝失愛之嬪妻之封鄴王妃即聖元神睿貞列皇后之猶女也生一男一女男幼亡女適張侍中孫左監門衛大將軍知檀州刺史事崇一今夫人之父也後娶魏國夫人鄴妃之姪皆出于蕭氏矣西南路招討晉昌軍節度使行京兆尹尚父秦王諱匡嗣伯祖父也樹鼈足之英標傳馬眉之茂慶列五鎡之鼎歲七蟬之冕生我大丞相守太傅晉國王謚文

忠諱德讓賜名隆運聯其御諱也賜姓耶律氏屬籍于宗室特加殊禮丕顯大勲其夫劔履上殿几杖入朝者不佞矣從世父也四十萬兵馬都惣管兼侍中南大王贈政事令陳王諱遂貞賜名直心負柱石之雄享鈞軸之重為周方邵作舜臯夔再從兄也譜系于國姓其餘戚屬族人拜使相者七任宣猷者九持節旄綰符印宿衛交戟入侍納陛者實倍百人此不具書略也烈考諱瑜內客省使檢校太傅贈太尉出征莫部適次遂城躬犯干戈親冒矢石會前茅之崩沮乘右校之退衄奮不顧身卒于用命先娶蘭陵蕭氏封本郡夫人生九子所存者公最幼也惟公稟與高之貴精蘊斗極之武幹體貌魁碩宇量淵弘襲世祿以不驕修天爵以弥薦尤工騎射洞曉

韜鈴甫及榮名克從筮仕初授西頭供奉官遷御院通進

朔方分聞河右稱藩九重曲降於璽書一介載馳於冊

命以公持節封李繼遷為夏國王泊星轅解鞅駟鞞迴鑣

入秦乾元頗傾允悅改頒給庫使統和二十三年

運契戢橐時丁婦放慕義廣開於粟陸舍靈雅唱於葛天趙

宋氏致幣結歡歆牲修睦將叶黃華之詠簡求專對之才以

公充賀正之副達于汴都三百万之寵錫也迴授引進使

轉客省使旋以辰下弒君獫駒作梗萬乘恭行於討擊六

師畢集於征伐考詩書而謀帥無右却穀委車騎而命將率

先竇憲即授公左第一驍騎部署軍還加左監門衛大

將軍知歸化州軍州事密邇樓煩切鄰白霄俗多擴恨民苦

侵漁自公下車咸服仁化秩滿除章愍宮都部署掌綰版

圖撫綏生齒陪四朝之羽衛覆數郡之刑名出充燕京留守衙內馬步軍都指揮使改易州兵馬都監繕甲治兵遏強撫弱主持蘭錡清肅柳營轉弘義宮都部署拜侍衛親軍步軍都指揮使利州觀察使領禁旅也夫物忌太盛先哲炯誠事久則變前代良箴忽生疊際於私門歛被纍囚於獄虞書文命寧殺不辜孔記治長信知非罪遂以笞刑斷之仍不削奪在身官告念勲舊也明年奉使沙州冊主帥曹恭順為燉煌王路歧万里砂磧百程地乏長河野無豐草過可敦之界深入達如口橐告空糗糧不繼詔賜食羊三百口援兵百人都護行李直度大荒指日望星櫛風沐雨郵亭杳絕蕭條但聽於鷄鳴閔塞莫分塊泮寔知於狼望舊疹忽作以馬為輿適及岩泉立傳王命在腹之痍倏然破墮

公亦仆地至夕乃甦其疾頓愈議者謂公忠勞所

感神之祐也東歸之次踐厯擾攘僮僕宵征曾無致寇駮駢
夙駕殊不畏危軼絕漠之阻脩越窮方之遠夔肅將土貢入
奉宸嚴孝宣皇帝敦諭久之寵矜踰厚賜白

金二百兩毳布八十段帛百疋尋授軫顯宜錦建霸白川七
州都巡檢再任章愍宮都部署依前左監門衛大將軍太平
五年雞種貢材鴨流通棧師停下瀨兵罷渡遠皇穹鞠育於
大弓列土贄陳於楛矢乃命使高麗國賀王詢之誕辰也其
年冬授房州觀察使知易州軍州事兼沿邊安撫屯田使充
兵馬鈐轄其地也背依上谷目睨中山子雋不託於攻蒲羊
祐無猜於嘗藥馬牛不及雞犬相聞未幾授長寧軍節度白
川州管内觀察處置八年秋逆賊大延琳竊據襄平盜屯肅

慎鯨鯢橫海怒張吞小之喉蛇豕憑江暴啓食中之吻將以
萃泰山而壓卵登高屋以建瓴本初圍守於伯珪文諮格張
於仲達傲公押領控鶴義勇護聖虎翼四軍充攻城副部
署賊平就拜永清軍節度貝博冀等州觀察處置管押義勇
軍駐泊于遼東詔賜銀盆百兩細衣一副移鎮瀋州然
而虎夷効逆鶴野罹災俘劫井閭剽掠烽戍來如蚊蚋肆毒
噬人去若虺蜴蓄姦伏莽公乃指畫方略奮發雄圖截
玄兔之要衝貫紫蒙之扼束築壘一十七所宿兵捍賊賊不
西寇公之力也未遑受代復南使于宋亦三百万之賜
也張旌即次飛蓋出疆依然郊勞之儀宛若館穀之數荐盟
君好綽布賓榮使迴遷宣徽北院使歸義軍節度沙州管内
觀察處置在任二歲進位南院使加檢校太尉重熙五年在

燕京也備清蹕之來臨後翠華之降幸葺修宮掖

仰期欽鑄崇飾祠寺企望問峒舉揚百司支遣萬計勤

恤夙夜犯凌寒暑遇疾潛驚於壞寢求鑿不遂於針育稷嗣

觀書善分科斗郭文在疚難辨金雌以九月二十五日楫告

薨于宣徽衙之正室天子緬懷盡瘁軫悼殲良賻

賙之外賜錢五十萬俾襄其事非常例也詔贈楫官旌

德表功恩榮至矣明年二月十七日葬公

於柳城白崖山之朝陽以先夫人蕭氏合祔之從祖考之

宅地禮也惟公遠使鳴沙必死之地羈栖絕徼流落遐溷

涉險獲夷履凶無咎考終之日遙鎮其州信其異也凡三娶

先夫人生二女長早亡次適左日軍將軍蕭乞得繼室蕭氏

生三女一適護衛將軍蕭朱一適左班殿直張玫大同軍節

度特進檢校太師筠之孫也一適通事班祔候康德潤早亡
皆能事舅姑益親娣姒芳如蘭蕙瑩若瓊瑤今夫人張氏左
監門衛大將軍知檀州軍州事崇一之女口太口太后如也
虔弘內則靡入外言貞莊雅諷於螽斯令淑潔著於蘋藻生
三男孟曰齊家奴癘疾居家受浮屠之法先公五稔而
逝仲曰貽孫左丞制閤門祔候季曰貽訓冠而未仕聞教導
於鯉庭紹雄豪於馬埒奄鍾柴毀益經孺慕哀同極於早天
勉尚凶於遠日懼遷岸谷請紀音塵青山白雲温博已談於
傅弈蔓草拱木麗道委於江淹聊採世家粗鐫壽域其銘曰
宗唐叔兮系頽當徙棘城兮過聖皇四王錫
羨兮七相耿光節旄交影兮璽綬成行我公降跡
兮恢磔藩昌奚奄邁於斯疾兮固難謀於彼蒼梟

銘旌於旅館兮 瘞誌石於玄堂
築馬驪之長隧兮 鑿

龍耳之高崗 露泣青草兮 風號白楊
隴泉悲咽兮

山雲慘傷 宅幽冕而享明祀
終古無疆 重熙六年二

月 日鄉貢進士商隱書

此誌在朝陽孔廟不知何時出土文字尚完好史館修撰

李萬撰文稱公諱楷字正聲曾祖父知古祖匡美考瑜伯

祖匡嗣從世父德讓再從兄遂貞叙其家世甚詳蓋自其

先世以漢族入遼其後門閥至顯故遼史有韓知古傳附

子匡嗣孫德源德凝匡嗣次子德讓賜姓耶律賜名隆運

別有專傳附載弟德威德崇威子滌魯崇子制心而不及

楷匡美與瑜今以誌考韓氏一系知史傳漏略疏舛甚多

畧舉八事知古傳叙述至簡稱知古薊州玉田人善謀有

識量太祖平薊時知古六歲為淳欽皇后兄欲穩所得后
來嬪知古從焉未得省見久之負其有怏怏不得志挺身
逃庸保以供資用其子匡嗣得親近太祖因間言太祖召
見與語賢之命叅謀議神冊初遙授彰武軍節度使久之
信任益篤總知漢兒司事兼主諸國禮儀又云頃之拜左
僕射與康默記將漢軍征渤海有功遷中書令天顯中卒
考太祖平薊在唐天復三年癸亥越三年丁卯太祖乃剋
建契丹國由天復三年下逮天贊三年才二十有四年若
太祖平薊知古方六歲則太祖末年知古年僅三十耳若
知古之子匡嗣當太祖末年不過甫成童焉有知古因其
子進身之理又太祖紀載太祖三年四月乙卯詔左僕射
韓知古建碑龍化州大廣寺以紀功德七年冬十月癸未

詔羣臣分決滯獄以韓知古錄其事果知古六歲從太祖
則太祖建國之三年知古甫十二烏能任左僕射執筆為
紀功碑即太祖七年知古亦僅十六歲烏能決滯獄耶至
傳叙知古拜左僕射在征渤海之前渤海之平在天贊四
年則知古拜左僕射在神冊天贊間與紀亦不合此誌載
知古歷官推古契運宣力功臣彰武軍節度東南路處置
使開府儀同三司傳亦未及又地理志中京道興中府太
祖平奚及俘燕民將建城命韓知方擇其處乃完葺柳城
號霸州彰武軍節度知古曾官彰武軍節度使志之知方
為知古之謚此史之謚畧一也知古傳但載子匡嗣不載
匡美惟景帝紀保寧三年春正月辛酉南京統軍使魏國
公韓匡美封鄴王誌稱匡美官協謀守正翊衛忠勇功臣

燕京統軍使天雄軍節度使開府儀同三司守太師兼政
事令行魏州大都督府長史上柱國鄴王職位甚崇乃不
附見知古傳此其漏略二也匡嗣傳載其歷官頗略亦不
載封爵誌稱匡嗣官爵有行京兆尹尚父秦王均傳所不
及此其漏略三也耶律隆運佐景宗睿知皇后輔衛聖宗

參決大政

見后妃傳

厥功至偉故恩禮優渥賜姓賜謚賜文定

王府衛建廟

見營衛志上

位親王上遼史紀之甚詳而摘之再

從兄遂貞則不見附傳中惟聖宗紀開泰元年七月丙子
以耶律遂貞為遼興軍節度據誌稱遂貞賜名直心官四
十萬兵馬都總管兼侍中南大王兼政事令陳王職位至
崇且亦荷賜名為當時重臣可知史顧不載其事實僅于
聖宗紀一見其名此其疏略者四也據誌摘父瑜仕至內

客省使檢校太傅贈太尉出征冀部以身殉國而姓名不見于史誌稱搆以統和二十三年官頒給庫使曾入宋充賀正使副聖宗紀統和二十三年十一月戊申上遣太傅合住頒給使韓簡太后遣太師盆奴政事舍人高正使宋賀正旦韓簡即韓搆字形相近而誤此史之疏誤五也隆運傳載制心父德崇累官至武定軍節度使聖宗紀統和十二年五月庚辰武定軍節度使韓德沖秩滿其民請留從之德沖殆即制心父德崇崇沖不同必有一誤且據紀則德沖有惠政傳亦不及其疏漏六也制心之名一見於聖宗紀開泰六年四月以樞密使漆水郡王耶律制心權知諸行宮都部署以後書制心名則皆作韓制於八年二月丁未書以前南院樞密使韓制為中京留守十二月乙

已以韓慤為惕隱九年十一月以漆水郡王韓慤為南京
留守太平四年五月南院大王韓慤薨十一月追封南院
大王韓慤為陳王同為一人或稱賜姓或稱本姓或書其
名作制心或合書之作慤此其舛誤七也誌稱韓氏門閥
之盛曰拜僕相者七任宣徽者九持節旄綰符印宿衛交
戟入侍納陛者實倍百人今除兩傳所載外聖宗太平九
年紀載充賀宋生辰使有韓知白又興宗紀載重熙十九
年十一月壬子出南府宰相韓知白為定武軍節度使知
白殆知古兄弟行又聖宗太平元年紀有靜海軍節度使
耶律遂忠七年十二月丁卯賀宋太后生辰使有耶律遂
英殆均遂貞兄弟行知韓氏一門傳多不載不僅瑜與摛
此其疏漏八也遼金二史多疏舛金史有施北研先生為

詳校遠史則僅錢竹汀厲太鴻兩先生為校補蕪漏尚多
今試舉一斑以示之例予老嬾不復能肆力於此長孫繼
祖頗潛心乙部書異日倘能成予志乎

誌稱櫛以太平五年奉命使高麗國賀王詢之誕辰也此
事不見遠史鄭麟趾高麗史顯宗世家載十六年乙丑秋
七月辛巳朔契丹遣監門衛大將軍韓櫛來賀生辰與誌
正合遠太平五年正高麗王櫛之十六年也

誌載櫛筮仕之初授西頭供奉官晚歲厯宣徽北院使歸
義軍節度沙州管內觀察處置在任二歲進位南院使加
檢校太尉其中間曾以隙起私門繫囚制獄明年奉使沙
州冊主帥曹恭順為燉煌郡王使還授乾顯宜錦建霸白
川七州都巡檢再任章愍宮都部署依前左監門衛大將

軍案契丹國法其使遠國多用犯徒罪而有才略者使還
即除其罪語見聖宗開泰九年本紀故揣以使沙州還得
再起用也又遼代節度每多遙授知古傳遙授彰武軍節
度使匡嗣遙授晉昌軍節度使此例見諸傳中者甚多誌
云惟公遠使鳴沙必死之地涉險獲夷考終之日遙鎮其
州蓋並未往親鎮其地故云遙授也此亦治契丹史事所
宜知者

揣爵昌黎郡開國侯乃襲其父瑜爵瑜亦有墓誌出土惟
前後數行文多漫漶而文中封昌黎縣開國侯字則明晰
可辨至撰文人李萬結銜為朝請郎守尚書右司郎中充
史館修撰武騎尉賜紫金魚袋其人遼史無傳而見其名
于聖宗紀開泰元年七月萬以秘書省正字上書辭涉怨

訛杖而徒之又百官志秘書監正字下注開泰元年見正
字李萬蓋即其人誌作于重熙六年已由秘書正字進秩
史館修撰矣書者鄉貢進士商隱所書頗有謔字入奏乾
元奏謔作秦駐泊于遼東泊謔作泊求醫不遂於針育育
謔作育文末明字缺筆乃避景宗諱並附識之

大家
人跋

宜頤案此誌與前韓瑜誌出土年月殆相近瑜誌近人修
撰朝陽縣志謂出朝陽縣之朝陽溝而不及此誌大家
人既詳為之跋猶子繼祖更覆覈本史及李氏續資治
通鑑長編諸書又續得五事檗名史作簡而長編景德
二年遠統和二年有契丹賀正旦副使右金吾衛將軍韓
檗明道二年重熙二年有賀長甯節副使昭德軍節度使韓
檗皆作檗不誤一也誌稱我聖元皇帝鳳翔松漠虎視

薊邱乃指太祖而太祖紀但稱上謚昇天皇帝統和二
十六年七月進謚大聖大明天皇帝無聖元之號或昇
天即聖元音訛未可知又稱以壽昌恭順明簡皇帝失
愛之嬪妻擢祖匡美封鄴王妃即聖元神睿貞列應作烈
皇后之猶女聖元神睿貞列皇后為太祖馮欽皇后而
傳但作崩祔祖陵謚曰貞烈重熙二十一年更今謚此
誌立於重熙六年故仍稱貞烈舊謚而聖元神睿四字
史竟失書壽昌恭順昭簡皇帝當是太祖第三子李胡
傳亦祇稱統和中追謚欽順皇帝脫壽昌昭簡之文恭
順作欽順者蓋金人修史時避章宗父允恭諱所改元
人因襲未遑訂正二也擢再從兄四十萬兵馬都總管
兼侍中南大王贈政事令陳王遂貞賜名直心與埒耶

律隆運傳之制心官封世次無不合當是一人制心者

直心之誤聖宗紀作慤者殆又誤合制心為一惟誌稱

直心譜系於國姓是曾賜姓本傳亦失載三也摘奉使

沙州冊主帥曹恭順為燉煌郡王其事見聖宗開泰八

年紀惟曹恭順作曹順與此異攷長編則實作曹賢順

知此作恭順乃避景宗諱所改史則去賢字但作曹順

四也王父大人跋中疑見興宗重熙十九年紀之南

府宰相韓知白為知古兄弟行今檢元遺山中州集稱

韓繼寧仕石晉為行軍司馬從出帝北遷居析津曾孫

知白仕遼為中書令賜田盤山遂為漁陽人則與知古

非同族五也又長編嘉祐六年清寧七年有賀乾元節副使

四方館使甯州防禦使韓貽孫陳襄治平四年咸雍三年使

遼語錄有右班殿直閣門祇候韓貽訓乃櫛兩子名字
之見史籍者頤既錄家大人跋并書繼祖補考于後

濟州刺史張思忠墓誌

誌分三石各高二尺七寸六分廣二尺七寸前二石
十九行行十九字末一石十三行行十三字正書

故銀青崇祿大夫檢校司空使持節濟州諸軍事濟州刺史

知上京南中使兼御史大夫上柱國清河縣開國伯食邑七

百戶張思忠墓誌銘并序

儒林郎守秘書省著作佐郎柴德基撰

夫以人之生世也吸天之粹鍾父母之靈有以貴賤定其身

有以長短受其命身受其貴者或文相而武將身受其賤者

或男臧而女獲命享其長者或期頤之歲未為終天命折其

短者或齟齬之年忽隨逝水自昔迄今無均一者豈虛也哉

其有稟性孤奇為人絕出秩峻侯伯力勤公家歲華誤保於
悠長神魄遽聞於夫閑者悲惜我故清河公太保耶公諱思
忠其先自軒轅氏因為氏焉曾即故朔州節度使上將軍諱
諫之嫡孫父諱正嵩之第五子也芳標外秀淳粹中舍自童
州之年慕儒黌之業衆推博雅獨藹英聰周鼎揀詔於彤庭
誤捷登於上第始授東西頭供奉官權閤門通事舍人後任
職諸司力著勤劬旋口於勲績恩流渙汗幸被於特酬超
授黃龍府節度副使又以步膺
王綽遠奉使華輶御始還滂澤載被疊口口口黔義等州
刺史分竹符而炫貴駕熊軾以飛榮公方既最仕路窳昇改
授濟州刺史知上京南中作使將任赴於往欽忽災纏於毀
瘠無何於重熙七年十二月十四日薨於崇義軍南雙山之

私第春秋六十有四以明年二月壬戌朔十七日陪葬於亡
父之營次禮也公先娶故隴西李太尉之女所生二男一女
長男可舉上京省倉兼車子院都監次曰可從王府文學女
一適進士郝正辭其隴西氏誤獲偕老早痛云亡後繼娶故
大將軍太原王延玉之女所生五男一女一曰可英軋州內
庫都監次曰可巽在間次曰吳哥出家次曰公猷內供奉班
柱候次曰公謹習進士業女一將適上京前大盈庫副使王
息男婦四人一故彭城節院劉守訓女一前錦州倉庫都監
于延泰女一殿直李壽廣女一金州防禦使太守節女孫見
四孫女三並幼今太原氏夫人貞舍玉質馨藹蘭儀自成授
室之歡淑有睦親之孝本望命夫命婦永諧齊體之榮何期
哀子哀孫皆失藐孤之望雖遊魂不在杳歸玄壤之間而茂

實欲旌宜刊貞珉之上德基名標桂籍職倅芸香難違致請
之言強軋若抽之思愧才華之不贍莫著好辭惡論撰之非
宜直書褒字專介立俟勉為銘云奎躔炳靈峒阜儲精
文武兼備熙朝挺生角飛榮路宣其令名家有
餘慶高其閑閤貴屢擁於二豎藏舟發歎於莊生
壞木興歌於尼父正室悲其未亡諸孤痛其何怙
局寂寂方不開長夜漫漫方安覩磬貞礎方載徽音
億萬千齡方居此墓第三男軋州內庫都監可英書
此誌十年前與張正嵩墓誌同出義縣之雙山今存奉
天博物館誌稱思忠正嵩之第五子也而正嵩誌止云
子五人長思睿次思恭次思敬次二幼韓七韓八以此
誌校之思忠即韓八也誌題使持節濟州諸軍事濟州

刺史考遼史地志無濟州僅于耶律速撒傳有歷任霸
濟祥順聖五州都總管語而百官志五州都總管府下
引作穆宗應曆初耶律速撒為義霸祥順聖五州都總
管濟作義或謂濟州即義州之改稱而史志失書誌又
稱思忠筮仕之初授東頭供奉官旋著勲績超授黃龍
府節度副使案遼史地志東京道屬龍州黃龍府本渤
海扶餘府保寧七年廢開泰九年復置又百官志節度
使職名總目某州某軍節度使節度副使而不及黃龍
府黃龍府有節度副使賴此得知餘如上京省倉兼車
子院都監乾州內庫都監錦州倉庫都監上京大盈庫
副使皆不見於百官志又誌稱息男婦四人一金州防
禦使太守節女金州亦不見于地理志文中光字缺末

筆避遼太宗諱誌中別字延作返祇作拉齧齧之年齧
作齧誤獲偕老獲作獲則誤字也

聖宗欽愛皇后哀冊

高廣各五尺二十五行行二十五字
正書蓋題欽愛皇后哀冊六字篆書

銘

后哀冊

維清寧三年歲次丁酉十二月癸卯朔二十七日己巳

大行太皇太后崩於中會川行宮之壽安殿旋殯於慶州北

別殿之西階粵明年夏五月四日癸酉將遷祔于永慶陵禮

也夕攢方開夜漏甫盡龜兆告時龍輶移軻繇山之縞素凝

霜離殿之帷帟飛爐奠搏既撤哀仗徐進想舊事方若新計

遠日方如近孝孫嗣皇帝臣弘基義感
祖先情深宵消

憶戀風猷追思恩信命相輔以為文期音徽之大振詞曰周
室德業文母居先漢朝儀範馬后稱賢致延祚於七百載克
流芳於二百年伊彼往矣其誰繼焉
大行太皇太后博厚成儀中和毓德婉淑慈仁聰明正直嬪
媵卑下示之以謙抑子孫衆多勗之以溫克對禕禴之織靡
輒不更衣處宮室之深嚴嘗無踰闔若天之清若地之貞若
江海之量若日月之明於
孝宣有婦順之容所以承愛
敬於
孝章有王業之訓所以享推稱乃即前宮之大號
乃膺太上之徽名禮度在躬不取珩璜之節廉純為事不從
簪珥之榮行不旁履視不斜睨好尚古風勤求實際普全六
行之餘洞達三乘之義動必協於人心靜必從於佛意勃興
皇運肆及孫謀邦國蓋承於垂慶宗親皆荷於貽休有兄之

女兮還尊居於永樂有女之子兮復貴處於長秋若昆若季
乃王乃侯一門之盛千古無儔屬壽齡之向暮眄光景以難
留方大恢於聖化遽上促於僊游嗚呼哀哉水逝悲川花愁
泣露顧總幄以凝戀對練衣而增慕去復去兮天上侶遠復
遠兮人間路追末命兮如在悵慈顏兮何處嗚呼哀哉長天
慘兮簫笳動悲風起兮林麓閑當夏天之炎燠變秋日之凋
殘將臨乎玄闕將屆乎陰山望仙神座兮徒有恨痛
仙駟兮不可攀惟貞節兮確然金石惟淑譽兮藹若椒蘭雖
女史兮有形管紀清芬兮靡殫嗚呼哀哉
此蓋書欽愛皇后哀冊而文但稱大行太皇太后蓋即后
妃傳之欽哀也冊文首稱清寧三年歲次丁酉十二月癸
卯朔二十七日己巳大行太皇太后崩於中會川行宮之

壽安殿旋殯於慶州北別殿之西階粵明年夏五月四日
癸酉將遷祔于永慶陵禮也考欽哀皇后傳稱清寧初尊
示為太皇太后崩謚曰欽哀皇后於卒葬之年皆不詳惟道
宗紀載清寧元年九月庚午尊皇太后為太皇太后三年
十二月戊辰太皇太后不豫己巳太皇太后崩尊謚曰欽
哀皇后癸酉葬慶陵與冊文合惟史不載崩於中會川行
宮之壽安殿及殯於慶州北別殿又謚欽愛之謚為欽哀
耳欽愛專權攝政廢弒仁德涼德甚多而冊文褒美甚至
則文章之體應爾不能以史筆例之也文中明字避諱作

明缺二筆

遼帝后哀
冊文錄

靜安寺碑

高一丈零六分廣三尺八寸二行六十字正書額
題大遠大橫帳蘭陵郡夫人建靜安寺碑十五字篆書碑

陰刻遼國書已多漫泐惟
額作漢文正書同碑陽

□□□□大橫帳□□□夫人蕭氏創□□□□□

前朝請大夫守太常少卿充昭文館直學士充史

館修撰應奉閣下文字兼編□□□□宜□都尉漆

水郡開國子食邑五百戶賜紫金□袋耶律興公

五都錯峙帝宅尊乎中土則大定之分甲天下焉三教並

化皇國崇乎至道則梵刹之制布域中焉苟或就風雨交

會之邦闢龍象棲遊之境法興地□可得而言若夫迎文

示寂之餘招提奉像之後締構獲其善報供事植其勝因則

歷世建寺之文道之常矣今略而不書但敘茲地權輿之事

今

太祖天皇帝紹百世之正統開萬世之寶系公族衍盛枝葉
芬茂故口南大口諱璟即帝之房孫也故左金吾
衛上將軍諱寧即公之長子也故口檢校太師左千牛衛上
將軍知涿州軍州事諱昌允即金吾之子也弼輔王室許國
之勲既等並啓土宇列壤之錫斯在天邑之北僅餘百里則
公之故地焉嵐嶷翠疊曰佛山山之足民屋聚居若郡邑之
大曰義州今蘭陵郡夫人蕭氏主之即太師公之妻也
太師毓慶戚閑許心口佛興居暇日以有思口憑高而肆望
延崗委迤環甲第以遠周孤嶽崔嵬枕閑田而下廓遂卜此
地肇開勝藍雖經始之謀有先而考終之期奄速夫人抱
未亡之永恨緝已墜之遺功發大勇猛之勝心資不思議之
神力由是斷險為坦堙卑就寬長木下而翠色移貞礎出而

雲光破風斤疊運遠谷回音雷杵高相寒泉交響金者冶瓊
者陶壁者巧材者斷彩者繪隅者塗衆工銜勤百事偕作起
乎清寧八年庚子歲成于咸雍八年壬子戊辰次一周元功
告畢中其殿則曼荼羅壇洎過未七佛明口高僧之像在
焉雙其樓則修妬路藏洎賢聖諸傳章疏抄記之部在焉
遠侔東土則震隅設繪者藥師如來近擬西方則允位表
形者彌陀善逝至于十方寶相五佛粹容皆極其端嚴
曲盡於妙凡法堂僧宇厨室困房洎廡庫客次靡不備有皇
皇焉信解脫之閭域功德之藜林者也待其山月初霽巖雲
半開飛搖金碧之輝動蕩煙霞之色回簷落影暑氣由是夏
銷門楠排空殘照于焉夕挂輪奐之盛可勝道哉先是金夫
人之長男輟供職於

行朝委督征於推務得佛牙一顆大踰方寸牙上得舍利七百餘粒若珂口之質寶璫光射疑國兵之未分氎灰色交訝海龍之反施夫人且曰遺口蘊安葬是崇苟非堅固必貽後悔口寺之乾位有孤峯嶮焉碧石嵌峯固口巔末遂募工鑿鑿深踰數丈石之開有文若花葉芬敷之狀厝窆之日衆數百人_{不約而集}有祥雲躡地彌覆其上逮至吉時則陽景舒步不差晷刻葬已口合郁郁如初遠近見者咸警異之時咸雍五年九月九日也明年十一月既望口前後共三夜步氣燭天見者數千人復就石龕之前架一小殿則_命三聖八相阿羅漢之容姿皆具焉嗚呼智者始謀為利斯永善人作事獲福自多每自口_賜谷欲暝曦輪將墜舍利之影落覆邱塋則太師公之遺墟承蔭其下若非巧入心匠神

開志端則揆事之長孰能與於此凡巨細之費餘於二萬緡
口口之績就於十二載工徒之役算日酬傭驅籍之家一毫
不取皆賢夫人鬻醫飾減衣御之為也寺既成必假衆以
居之遂延僧四十人有講則復益二口口僧既居必資食以
給之遂施地三千頃粟一萬石錢二千貫人五十戶牛五十
頭馬卅疋以為供億之本咸雍六年冬事達山鞋聽上用
嘉之勅賜曰靜安寺并勤意而賁山藍也恭惟夫人以慈
心接物類以冲澹卻世紛斷而後行力致者皆為軌法仁以
成性身至則自是道場遂能挺不退之至誠集無上之良福
與夫桂陽追愛起崇義於隋朝陳妃施財造逮元于晉代固
可同年而語矣夫人二子長曰佶禮賓副使銀青崇祿大
夫檢校右散騎常侍同知利州事兼部內巡檢次曰持里德

皆根乎善本協彼勝心弘助之功詎能詳述大哉敬阿蘭若
之靜姿像薄伽梵之遺形所祈者聖祚垂鴻罔

蘿圖乎浩劫群靈護祐趣花藏於他生又何止延九族之

脩齡薦三代之冥福而已哉興公才非半古識不照隣自

服為吏之勞頗滯攻文之思茲承勤請未易固辭撫實寶坊

既盡一時之勝槩口英珉篆願垂千古之休聲銘曰

神邑浩壤六街棊布雖敬釋宮不無重圻口峯幽

寂萬載口閑雖開禪寶是勞躋攀帝輦非賒川

歧易造能闢勝場乃得中道都會百里嵐光數程

山秀而口岡橫如平口夫人上茲佛地結構

瑰琦規模壯麗正殿巋立危樓對森煙梵凝碧

朱甍疊陰實像中存口口攸見月伴高佛雲口口

口孰口口土口開口口口祐睿君口口含識口

庇我華宗資乎幽冥

静安寺在大甯故城南十家兒村遠咸雍間蘭陵郡蕭夫

人建碑字漫漶不可讀寺址尚存欽定熱河志

静安寺今在大寧城南里許有古寺基址周圍數十畝碑

尚存額書大遼義州大橫帳蘭陵郡夫人蕭氏創建静安

寺碑銘承德府志

謹案碑稱寺為耶律昌元妻蘭陵夫人蕭氏所建始於清

甯八年庚子歲成於咸雍八年壬子歲咸雍六年冬勅賜

曰静安寺文敘昌元官檢校太師左千牛衛上將軍知涿

州軍州事父甯官左金吾衛上將軍祖璟故南大口為太

祖之房孫長子佶官禮賓副使銀青崇祿大夫檢校右散

騎常侍同知利州事兼部內巡檢次子特里業遼史皆無傳文既曰太祖房孫則為太祖系出可知乃遼史皇族表不載其名元耶律楚材為東丹王貝子隆科之後而皇族表僅載隆科以上兩代於此益知表中之漏書者多矣蕭氏於遼為世戚大半封蘭陵郡王此於蕭氏稱蘭陵郡蓋即其世爵而言契丹外戚三族皆賜姓蕭以從中國之俗南北朝齊梁二代皆蘭陵蕭氏此以蘭陵為蕭之郡望殆亦遙從其華胄歟又案南大下缺字當是王字蓋契丹宗族勳戚皆有南北院大王之分聖宗本紀統和十二年以南院大王耶律景為上京留守封漆水郡王殆即璟也又案太祖以後之裔皆別居橫帳所以別於五院六院之皇族見遼史皇子表此題額云大橫帳其為太祖之後無疑

畿輔通志

卷之七

此碑在大寧城附近老哈河之南今屬熱河平泉縣文
字多漫漶碑陰刻遼國書更磨滅不可辨欽定熱河志
承德府志畿輔通志三書均載靜安寺承德府志并錄
其碑文取校今拓本已有佚字茲據拓本過錄遇已佚
之字則據府志本側書之

平州觀察判官王用口墓誌

高二尺七寸廣二尺八寸二分三十六
行行三十字至三十六字不等正書

平州觀察判官武騎尉賜緋魚袋太原中王公墓誌銘

口口口口温如撰

蓋聞嵩嶽降靈山甫挺生於周代處星殞耀謝孚應斃於晉
朝口口今口太原公其生也非獨降嵩嶽之靈莫不五緯儲

精兩儀孕秀其斃也豈止殞處星之耀莫不千官茹嘆
萬乘改容雖榮落以有期信功名之不朽者哉謹案
諱用口字政裕其先太原祁郡人也原其族係乃唐太宗朝
口陳十在官高大貂王珪之後耶由德盛於先世致慶延於
後昆子繼孫承迭居顯仕祖功宗德蔚有令聞自磨口周簪
裳籍口口洎烈祖經知尚武軍州事次祖口履古人行爲君
子儒揚漢南獨步之俦藹江下無雙之譽雖未捷高第口群
英之表歟時會尚武軍太守赴口天庭我次祖紹權知尚武
軍事因與燕王劉仁恭構隙之年屢困戰敵遂慕義嚮風自
南祖北武會我太祖大聖皇帝廓得臣無家之略
致公烈祖口口後利之榮猶漢季納楚之陳平効湯乙任夏
之伊尹口合符契會口風雲暨
嗣皇繼聖以顧命受

之所春秋三十有九至大康口年仲秋月二十有五日歸葬
於中京西南蘭菴院西北隅新塋禮也公之嘉偶即故中京
度支使安口軍節度使左千牛衛上將軍馮府君見善之長
女也家法肅雍閨風清口自始御輪之禮永蠲脫輻之虞口
朝嬌鳳和鳴接翼秦樓之上豈意雙鸞喪侶口口口鏡之前
有男三人長曰準次曰矩次名迎桂率皆幹蠱推誠趨庭習
訓將副弓裘之口口纏風樹之悲有女三人長曰端祥次曰
懿祥蘭英毓態蕙問鍾靈未嚴金鳳之儔早失銀魚之戲有
弟曰用俊忘情仕宦就養庭闈繼曾閔之高風傲唐虞之
盛世次曰用儒天縱多聞神口麗藻仁成功於桂苑期高步
於蘭臺季弟義常脫屣紅塵服膺白業口空門之領袖謝俗
口之利名有妹一人如哥適故宜州禮賓使隨口駕馬軍虞

侯鮮于白第三子東頭供奉官錦州高魏都監嗣赤之正室
也雖第望以有歸痛天倫之失敘嗟夫昔慶何善□□而立
今□何咎□□而亡鸞方賀兮大厦崩鼠欲憑兮社壇覆人
生到此天道難妨今則卜遠日以有期俯玄□而將闕永貽
令嗣用刻貞珉猥付瑣才直揚景行然承命而有濫在撫實
以□悲嗚呼哀哉謹為銘曰
唐孫承子繼芳千載流芳
唯公昭慶與世為祥鸞踰鳳舉鶚立鷹揚文摛黼
黻德潤琳瑯□藹士民之望□登翰墨之場將隆
闕閱忽暴膏盲殲晞朝露蘭殞秋霜辜負陶陶之
氣逍遙寂寂之鄉慘恨色兮血山碧噓悲聲兮金水
長爰勒銘於幽塚吁嗟乎其事在而其人亡

大康二年八月二十五日

此誌不知出何地亦不詳今在何處以誌銘葬中京考之當出熱河附近按誌公諱用口下一字已不可辨又稱公烈祖經知尚武軍州事次祖紹權知尚武軍事因與燕王劉仁恭構隙之年屢困戰敵遂慕義嚮風自南徂北我太祖皇帝猶漢季納楚之陳平効湯乙任夏之伊尹嗣皇繼聖以顧命受遺累遷溥和守正佐理功臣開府儀同三司門下平章事監修國史齊國公爵秩至崇且受顧命而名不見遼史據地理志尚武軍為薊州太祖以天贊元年拔薊擒刺史胡瓊然則紹來歸其在拔薊之先歟又稱公烈考故殿中少監口口中府亞尹事諱口字子貞中上所缺當是知興二字百官志興中

府知府事下有同知府事亞尹當即同知府事誌叙用
口官口口軍觀察判官考地理志平州軍名遼興則軍
上所缺當是遼興二字誌又稱公之嘉偶即故中京度
支使安口軍節度左千牛衛上將軍馮府君見善之長
女見善曾於興宗重熙廿三年宋至和三年以甯州觀察使
充賀宋正旦副使見李氏續資治通鑑長編安下缺據
地理志遼軍名安字者有安東安遠安復今不能知為
缺何字矣誌所載官名如宜州禮賓使隨駕馬軍虞候
錦州商麴都監皆不見百官志足補其缺佚志雖見禮賓使然不
載置於文多譌字如諱江夏無雙之譽夏誤作下口口
軍觀察判官觀誤作官蘭若作蘭惹膏盲作膏盲

高廣各五尺二十六行行二十七字
正書蓋書仁德皇后哀冊六字篆書

仁德皇

后哀冊

維大康七年歲次辛酉十月甲寅朔八日辛酉先謚

仁德皇后蕭氏發自祖州西之玄寢遷祔于永慶陵禮也歲

瑄均時應鍾肇律鹵仗煙凝重岡霧蔚望神座之甫安却靈

輶之將出嗣孫皇帝弘基深軫孝思固存哀恤遵遺旨以披

誠考舊章而備物温詔俄宣徽猷載述詞曰

坤順而正承軋以行月隨而運續日之明陰體至靜陽用而

生后德中助帝功大成唐媛興媯塗山翼夏娥贊殿昌姬禪

周化秦漢已還隋唐而下我國迭隆其賢相亞曾沙瑞集剖

石文傳覆玉人異鑄金像全極儼而已倪妹之然義昭配地

號峻齊天體軒之星儲發之宿彝顏既芳蘭儀亦郁渙涉圖
書浣濯禕鞠樛木訶能關睢詠淑柔嘉婉麗慈愛謙沖珩璜
綴節綦組維功寵專萬乘教被六宮亢恩易失至美難終嗚
呼哀哉屬

孝宣奄促於僊遊戾玄室躬嚴於時祭攀鼎駕以何階悵瑤
齋而永閉雷雨之澤不流霧露之憂莫濟蒼梧之戀兮徒冥
茫素奈之謠兮類符契暮景造臻韶容告逝嗚呼哀哉垂懿
軌于層城之下散淑風于大邦之間塗椒之屋兮閱其戶供
桑之室兮空其壇極朝家之愴悼動戚里之傷歎啓攢于別
殿歸引于他山嗚呼哀哉世事去兮若驚塵年光度兮如流
水從宴樂者思北園以無期守裡祀者望西陵而曷已闕梓
椁兮迨五十年隔松阡兮嚮二百里嗚呼哀哉彼定命兮既

往此飾終兮可追列太廟之遺像兮婉爾其質存曲臺之舊
冊兮煥乎其辭想

興皇留囑之語兮有靈而潛知謂

聖宗誌記之地兮有時而同歸爰徇僉輿之議方陳從合之
儀嗚呼哀哉惟幣封路兮日影重簫鼓鳴郊兮風韻咽逗古
陌以淒霜駐空林而慘月當初之夜壑孤藏今夕之逝川共
閱鑰固泉扃關沉窅闕嗚呼哀哉永恨消兮天梯之曲香魂
來兮慶雲之陽人神協意兮靡瀆

祖考降祉兮無疆惟餘芳之藹藹與地久兮天長嗚呼哀哉

此文無撰人名文首稱維大康七年歲次辛酉十月甲寅
朔八日辛酉先謚仁德皇后蕭氏發自祖州西玄寢遷祔
於永慶陵禮也案后妃傳聖宗仁德皇后蕭氏統和十九

年冊為齊天太后生皇子二皆早卒開泰五年宮人耨斤

生興宗后養為子帝崩耨斤自立為皇太后是為欽哀皇

后遷后于上京興宗紀欽哀遷后于上京在十一年六月辛丑車駕春蒐欽哀慮

帝懷鞠育恩馳遣人加害興宗紀載后遇害在景福二年春又曰追尊仁

德皇后與欽哀並祔慶陵不言仁德之謚追尊于何時冊

文先謚仁德皇后則非追尊于遷祔時可知興宗紀景福

二年十一月己卯帝率羣臣上皇太后尊號曰德天應運

仁德章聖皇太后而欽哀傳又稱重熙元年尊為仁慈聖

善欽孝廣德安靖貞純寬厚崇覺儀天皇太后與紀所記

不同意法天應運仁德章聖乃后之追謚至欽哀則為仁

慈聖善十八字史官誤其文也仁德蓋崩於春至冬乃追

謚也至后初葬祖州大康七年自祖州遷慶陵則傳所失

載可據以補史氏之闕者也又道宗紀載帝諱洪基他紀

傳同此作弘基則當據以訂史文之謬矣遠帝后哀冊文錄

興宗仁懿皇后哀冊

文佚蓋存蓋高廣各五尺五寸篆書

仁懿皇

后哀冊

此冊但存篆蓋文曰仁懿皇后哀冊冊文不知是否尚在

抑余所得墨本未全均未可曉仁懿有淑行于國有大功

遠后之賢者異日當更訪求冀為延津之合也同上

相國賈師訓墓誌

高廣各四尺二寸五十六行行五十六字正書蓋書大遠故相國武威賈公墓誌銘十二字篆書

大遠故

相國志

威賈公

墓誌銘

故同中書門下平章事致仕贈侍中賈公墓誌并序

守太常少卿前知臨潢少尹騎都尉賜紫金魚袋張

及奉勅葬

朝散大夫尚書吏部郎中史館修撰賜紫金魚袋楊

口奉勅撰

公諱師訓字公範其先出于周之同姓之國春秋時有賈季

賈華代為名族至兩漢誼山捐之達琮之輩以儒學政行發

名於世晉唐間充耽致位將相其後有游仕于渤碣之間者

因籍為燕人子孫相繼衣冠不絕至公之七代祖曰夢殷為

盧龍軍節度判官盧龍君生道紀為營州刺史檢校□□司
空生高祖曰去疑先仕後唐 我大聖天皇時奉使來貢因
留之俾督工役營上都事業遷將作大匠累拜始平軍節度
加檢校大師賜号□□奉國保定功臣後薨于鎮曾王父諱
岳乃太師之仲子也朝廷以其才望為民所推服詔起家繼
領始平軍事遂家于遼入充遼瀋縣貫王父□□□至顯州
觀察判官以公貴贈彰國軍節度同中書門下平章事王母
沙氏追封韓國太夫人父諱□少力學有行喜調施體兒偉
異年十六□□皇帝幸顯陵見之召入近侍以太夫人在懇
丐歸養得請竟終于家贈昭義軍節度兼侍中母沙氏追封
魯國太夫人夫人方有娠有異僧見□□之曰當生男必大
貴夫人陰志之後果生公七歲能誦書作詩十歲皇考侍中

以兄泳徇異籍又欲奪其善分憤不得已將訴之官公侍側
曰口貴皆丈夫所力為豈必繫先業之有無也願大人亟棄
之侍中竒其言恣兄所取年十四舉進士由鄉解抵京師丞
相杜中令駙馬侍中劉公口口之文成更相稱愛將議聞
上以事齟齬遂寢十九試禮部奏御三十有五登第授秘
書省著作佐郎調恩州軍事判官既至有以盜馬口口人者
人不之知後為其主執之送官辨驗事連假主假主懼不服
公迺潛捕其家牧兒詰問得實引質之始伏其罪京守聞其
能每有疑訟付之辨析必白丁太夫人憂卒哭充東京麴院
使營督公課綽有餘羨時秤吏董猪兒得幸北樞密使乙信
怙勢日索官錢二千人莫敢禦公至即不與猪兒憾公累以
惡言挑之公不校乃自以錘折齒誣公公禁益切遂止服闋

授奉立縣令改錦州永樂令先是州帥以其家牛羊駝馬配縣民畜牧日恣隸僕視肥瘠動撼人取錢物甚為姦擾公至縣潛諷民使訴之其始至者一二人公叱左右逐出之其次至者十數人公又叱之不顧其後得人三百合告公遂署其狀白州州白其帥帥懼促收所俵家畜以還倉卒之際至有逋漏為貧民獲者亦衆其帥竟不敢言又朝廷下教俾撤泐海罟公承教曰天生之物所以資民食之不給也民得漁取所以濟農力也何害之有因緩其禁而民悅便之入為大理寺丞持法彊固不為權勢沮奪轉太子洗馬補中京留守推官在故侍中彭城劉公雲之幕日直其事裨益旁午後屬乙信代為居守乙信自以前在樞極權震天下每行事專口一不顧利害諸幕吏素憚皆隨所倡而曲和之公獨不從乙信

怒憎公曰吾秉朝政迨二十年凡一奏議雖天子爲之遜
接汝安敢吾拒耶公起應之曰公縮符籙某在幕席皆上
命也安得奉公之勢而撓上之法耶義固不可乙信知不
能屈輒從乙信又以嬖人善騎射署爲境內巡檢公爭之不
從未已乙信被召再入爲樞密使將行寮屬餞之都外酒再
行公前跪力白巡檢事不便乙信歎服遽爲之罷朝廷知其
才召入樞府爲掾史俾覆刑曹案簿故宣政殿學士陳公覺
素與執政不相能平方被微譴執政緣法將奪陳公翰林之
官乃潛召公屬之公不許竟論如法再歲知大理寺正加秘
書承奉詔充高麗人使接伴道出軋陵故中書令李公仲
禧以當路權寵構謫是鎮時其家親舊過門皆縮頸不敢視
公往復候謁獻遺一無所顧忌李公默器之徙同知永州軍

州事既上日夜經畫民事利病奏減其部并隣道龍化降聖
等州歲供行在役調計民功三十餘萬奏課天下第一上
嘉之就拜鴻臚少卿知觀察使事尋詔按察河東路刑獄間
有酋豪負勢詐良民五百口為部曲數為官口為賤民心不
厭而隨反之公伺得其情乃召酋豪詰之一言切中其病語
立塞遂服因籍其戶還官時同事蕭龍虎歎伏至驛即易衣
以謝又人有以死臯被誣為官吏所強榜服者將刑公至審
之見其狀有枉再治果得辨而釋者數十人以奏簿至中京
屬封冊 皇子燕國王開宴召授太常少卿樞密都承旨尋
扈 駕春水詔委規度春泰兩州河隄及諸官府課役亦奉
免數萬工俄充南朝正旦國信副使比還密偵宋人軍國事
宜具口口聞 上閱之不釋手者數日遷樞密直學士大安

二年授樞密副使右諫議大夫曾奏事御所有詔遷奚中
某部所居漢民四百戶宰相承詔遙出公獨侍上問之
公前對曰自松亭已北距黃河其間澤利潭榆松山北安數
州千里之地皆膏壤也漢民雜居者半今一部之民可徙則
數州之人盡徙矣然則恐非國家之利亦如遼東舊爲渤海
之國自漢民更居者衆訖今數世无患願陛下裁察上
悟其事遂止又以素聞燕京留守府有九都府事无
巨細必先閱之後行其府置一局諸事連外境情涉謀叛者
悉收付之考劾苟語一蹉跌即寘之孥戮亦委是吏主之雖
口口口口口口已下洎諸幕職皆不與焉以是吏得專肆胥
腹隨所喜惡爲人禍福開南之人側目以視故不待鳩率歲
所饋而甚於輸官公患之口口口口口口語其事詳熟口

盡口京中浮游丐食之民口口口口口口口口遣之其老
弱瘡疾不能自活者盡送義倉給養仍勅吏卒分部里巷游
徼人或被盜俾償其直決旬已來開市清肅是時畿內所屬
州縣會口口口口口口口口能決者公至府促吏條別其
事隨小大皆剖析之无留又擇高年有行之吏而法官叅掌
憲律席之座右隨簿所上輒付讞之一日之間斷口口口口
口口口口口口邑大治公以莅事夙夜矻矻不自己事不訖
不飲食以寤成疾遂表還政口上聞遷延久之竟以公病重
煩以事遂許之加同中書門下口口口口口口口口口口
至誕日遣中使賫物就第以賜壽昌二年冬薨于中京之里
第時年六十有五訃聞上嗟悼詔贈侍中謚以靖懿勅將
作少口口復口口口口口口口口口口口口張可及監督葬

事皆官給其費以次年四月十七日藏于京南勸農縣西德
山之陽公為人剛果峭直有大志□□□矯矯自□□□□
□□□□□□□□□□□□其善善惡惡必使黑白灼晰
乎其胷中為政其始若小煩卒治有裕如治千里之地有毛
髮之害萌孽虐□□□□□□□□□□□□□□□□□□□□
□□□□□□自固公遽折之曰吾豈能為一日之利而賈詬
笑于千載間耶其不自罔如此又常謂所親曰吾起布□□
位公□□□□□□□□□□□□□□□□□□□□□□□□□□
時故相國太原王公言數方筵樞務國朝舊體宰相闕則多
取人于叅副之間太原公以典貢舉□□□□□□□□□□□□
□□□□□□□□□□□□□□□□□□□□□□□□□□□□□□□□
□□□□□□□□□□□□□□□□□□□□□□□□□□□□□□□□
之意又在永樂嘗為嚴州刺史姚企回行視其州銀冶之□

上 缺 口 口 口 口 姦孽是夷 輦轂之下 陽春熙 口 缺

上 缺 口 口 口 口 善人已矣 爰教有司 缺

上 缺 昌三年四月十九日甲 缺

此誌文累三千餘言後半有殘損幸事實尚可考見文首稱公諱師訓字公範七代祖夢殷生道紀道紀生去疑去疑生岳至祖父名則文泐不可辨稽之遼史無師訓傳故其先世亦無可考惟誌稱師訓以大安二年授樞密副使右諫議大夫刑部尚書中書侍郎平章事加致主功臣尚書左僕射移中京留守以疾表請還政詔加同中書門下平章事致仕壽昌二年冬薨于中京之里第攷遼史道宗紀五大安五年六月壬戌以前樞密副使賈士勳參知政事兼同知樞密院事士勳殆即師訓誌稱師訓充東京麴

院使時秤吏董猪兒得幸北樞密使乙信怙勢日索官錢
公不與又稱其補中京留守推官時乙信居守自以前在
樞極權震天下每行專口不顧利害公獨不屈云云誌所
稱乙信即姦臣傳之耶律乙辛傳稱乙辛以清寧五年為
南樞密使改知北院後出為中京留守與誌所述乙信歷
官時代均合則乙信即乙辛信辛音近師訓士勲亦音近
二者互證則師訓之即士勲審矣師訓所莅有政績其不
為姦臣乙辛所挫撓其大節有足稱者惜遠史于漢臣多
不立傳賴此誌得存師訓仕績也誌題之後撰文款之前
列守太常少卿前知臨潢少尹駙都尉賜紫金魚袋張可
及奉勅葬款一行此例除晉荀岳誌外為六朝以來墓誌
所未見可見契丹之世於漢臣未嘗不加優遇而史無漢

臣傳不能知其故矣且契丹重臣用漢人頗多此誌所載
有故侍中彭城劉公雲故宣政殿學士陳公覺故中書令
李公仲禧故相王藉故相國太原王公言敷故侍中邢熙
年此六人中惟李仲禧附見其子耶律儼傳中仲禧本姓
李其賜國姓見道宗咸雍七年紀他如陳覺王言敷邢熙年之
名亦均見道宗紀而無傳紀稱咸雍三年三月宋主曙殂
遣右護衛太保蕭韃不也翰林學士陳覺等弔祭太康七
年六月丁卯以翰林學士王言敷參知政事九年十二月
辛卯以王言敷為漢人行宮都部署大安五年六月壬戌
以參知政事王言敷為樞密副使太康九年十二月丁亥
以邢熙年知南院樞密使事大安元年正月癸卯以邢熙
年為中京留守惟劉雲王藉名不見紀中然道宗紀太康

八年六月丁巳以劉筠為南院樞密使王績為漢人行宮
都部署九年閏月以漢人行宮都部署王績為南院樞密
使十月己卯南院樞密使劉筠薨雲筠藉績音近以師訓
之作士勲乙信之作乙辛例之則劉雲殆即劉筠王藉殆
即王績矣因考師訓事而并及之此亦言遼代史事者所
未知也

遼帝后哀冊文錄

此誌十數年前出于熱河平泉縣東北驛馬圖鄉邢家
溝今藏奉天博物館

道宗皇帝哀冊一

高五尺二寸廣五尺二寸七分三分三十一行行三十
七字正書蓋書仁聖大孝文皇帝哀冊九字篆書

仁聖大

道宗皇帝

帝高心

道宗仁聖大孝文皇帝哀冊

經邦守正調贊功臣開府儀同三司行尚書左僕射兼門下侍郎同中書門下平章事監修國史知樞

密院事上柱國趙國公食邑六千五百戶食實封陸佰伍拾戶臣耶律儼撰

維壽昌七年歲次辛巳正月壬戌朔十三日甲戌

大行天佑皇帝崩于韶陽川行在所徙殯於僊遊殿之西階

粵乾統元年六月庚寅朔二十三日壬子將遷

座于永福陵禮也穆駿不歸軒龍已陟萬國悲聲兮猶喪

考妣七月期近兮俄營陵域彫輅麟麟襄儀翼翼三奠終撤

百靈慘惻孝孫嗣皇帝延禧仰成威明承繼社稷感象物

以號泣恨僊遊之冥默追錄其功兮異世使望欲報之

恩兮昊天罔極爰詔輔臣具銘

聖德其辭曰猗歟

聖元天帝之孫蕩海夷岳旋乾轉坤經營草昧掃滌妖昏宏
圖善繼盛德益尊已卜萬祀方傳八葉宇宙惟清日月相
接網要修整聲文晬暉一統正朔六合臣妾清寧將末姦孽
潛生蜂蠆奮毒雷霆振驚幄騰瑞氣幕見神兵醜類既勦
皇階益亨禮祠

先廟神靈來格孝養

長樂敬恭無斁朝陵幸邑建號加冊天旋雲被風施雨澤高

穹乃眷景命惟謀天日奇表笙鏞德音務農重穀抵璧

捐金洞判邪正詳觀古今輟寐夜分忘食日旰決柔象史發

號占渙天人分際帝王條貫觸類鑑照乘權電斷一十三

次選士懸科官材棧樸育善菁莪五辰協運九序興歌亟翔

丹鳳迭變洪河 睿思敏麗 宸襟洞達沛筑高唱薰琴開
發刑憲三千惟務全活師徒百萬不喜征伐敦睦親族駕馭
英雄累開赦宥數賑貧窮人心自樂地利常豐聲猷普暨教
令遐通鯨海之東鯤溟之北若木西荒桂林南側遠近庶邦
強弱諸國占風効款慕義述職頃以汙寇侵 予夏臺包藏
貪噬勝敗往來垂二十載傷生蠹財 詔命一至煙塵兩開
蠹爾鞋鞞自取凶滅擾我邊陲萃其巢穴上將既行奇兵用
設即戮渠魁群黨歸忱奠枕於京垂衣而治七曜齊正百嘉
蕃遂嶽貢川瓊地符天瑞赫奕難名紛綸畢至時遊江渚或
獵雲峯威稜震疊逸豫從容

大聖射法

人皇書蹤妙該玄理博達空宗 上性自然生知不學瞻形

繪像調律修樂 君臣宴會內外 恩渥禮文若古制度復
朴奸邪屏逐朝列肅清冤憤咸雪 昭懷正名臨朝四紀御
世一平化流 廣夏福庇群氓憂勤茲久勞倦興寤 燕國英
明決其傳付奠泰宇之不撓保長年而克固
元孫牢讓勉臨庶務難求堯聖之高蹈遽迫崦嵫之已暮俄
撫几以有命遂遺弓而忽去徒云呼歲之祥虛紀夢齡之數
嗚呼哀哉封人祝兮雲且至杞國憂兮 天乃崩欵風號而
景沍紛雨哭而愁興彤庭寂寞兮闕無象 寶座深嚴兮空
有憑鋤挽鐸以伸戀灼靈龜而告徵嗚呼哀哉先 遠屬期同
軌皆會隨蜃輅以殞涕仰龍輻而心碎淒肅肅之仙儀慘悠
悠之神旆蒼山空兮晚籟吟白日澹而寒煙晦嗚呼哀哉駐
春蒐兮尚邇變夏節以將闌行且暮兮慶陵下望如朝兮

聖廟間去華闕兮茲邈即泉宮兮不還紫笛收兮曲聲闌綠
驥留兮轍迹閑霧幽凝兮漠漠溜哀瀉兮潺潺植重林兮露
泣敞層殿兮苔斑觸物類兮黯天意想威容兮悲聖顏
嗚呼哀哉維蒸民之所歸須大人之有作乘時而出也天
曆爰在極數而終也神器是託大葬之制舊章用度鄙珠
玉之華侈尚甄陶之儉約閔清暉兮幽默置洪業兮盤礴別
垂理世之謨訓昭示
嗣君之矩矱被雅頌兮洋洋煥簡編兮灼灼庶延亘於無窮
自遐揚於景爍嗚呼哀哉

此冊耶律儼撰首稱維壽昌七年歲次辛巳正月壬戌朔
十三日甲戌大行天佑皇帝崩于詔陽川行在所徙殯於
僊游殿之西階粵乾統元年六月庚寅朔十三日壬子將

遷座於永福陵禮也案道宗紀壽隆七年正月壬戌朔力疾御清風殿受百官及諸國使賀癸亥如混同江甲戌上崩于行宮六月庚子上尊謚仁聖大孝文皇帝與冊文合惟延昌史作壽隆乃後世避諱追改也至冊文稱乾統元年六月庚寅朔十三日壬子將遷座于永福陵天祚紀則誤壬子為辛亥誤永福陵為慶陵則均史氏之失矣撰文耶律儼結銜經邦守正翊贊功臣開府儀同三司行尚書左僕射兼門下侍郎同中書門下平章事監修國史知樞密院事上柱國趙國公食邑六千五百戶食實封陸佰伍拾戶以校儼傳但稱帝晚年倦勤用人不能自擇令各擲骰子以采勝者官之儼嘗得勝采上曰上相之徵也遷知樞密院事賜經邦佐運功臣封越國公修皇朝實錄七十

卷帝大漸儼與北院樞密使阿思同受顧命乾統三年徙封秦國于儼歷官多疏畧又誤功臣之號六字為四字又誤趙國之封為越國均當據此補正史氏至書食邑六千五百戶用五六字書實封則作伍陸聖宗哀冊張儉撰文款亦書食邑一萬戶食實封壹阡戶亦有一壹之別宣懿皇后哀冊張琳結銜亦書食邑二千戶食實封貳佰戶殆當時之例固如是耶

遼帝后哀冊文錄

道宗皇帝哀冊二

高廣各五尺四寸一分三十七行行三十
字至三十餘字不等蓋篆書三十六字

天
之
哀
冊

天
之
哀
冊

天
之
哀
冊

亦六而空丹五

赤心主王雨而

木五亦赤赤心

翰翳及鬚鬚主劫變樣絲

直君皇帝 繫她 歎妨終輛輛鋼強收婢兮珍誇袂轄軟輛

當相子 航駁火致故禱燧及几藥 娶

皇武末 澣酌擊

父物屏本物符承雙穴女馭勸弊宅包雙恂

及性辭傲翁及鬚鬚主王 一力強雙綉綉核劫圣甜終樂能与殊她物平恂

臨醫甘鋪筭小十湖米茲鐘筆尖批梳本宅女 宅尺承列丸 雅舞拜珠踪兩奇

酖鏡芳襲綬報迷鸞葦拜口本方女丁包馭矧京搖爾筭竿孖梨兮 灑滿終劫

奕維凶銘為飲烟 新鸞杜福祝帆加添 綬雙恂及爰 離散劫个父雙從品拜銘脂地

灰轉不酬祇安與等欲鍾嗣父初勢後修公修女甄肢枚發終危創祇勵淡松侃兮
極望離族市川方九冊塾枯

糕糕祇敵後詩刻何特主王敵絕敵
精帶務築僅純姚夫
何特帶主王敵嚴禁務緊除九姚夫
極隆

由由半領月欲功功
得皆整徒融珍符留 功半領月欲功功

洗約取功半領功欲能能敵矣楚笑方以說和并射灼通受刻形糕糕祇健精極極并敵又終終

坑傷糕糕與精帶半領功功又棍与航平為獨那那擊 已殺和性左球補至添伏膜林

驚窳窳爾和以殺中倍餘統矣爾和號九輝終能能然然力射 盼洪熱發瓶材力純發發解解

蚪毗全純文欲能解能精夫 鞅鞅檢欲肆能能知夫發發發與與与極富洞付解擊以擊与能

析洗約能能林故約恒方 狀想擊擊女目盼能擊擊矢能能能能能能能能能能能能能能能能

煥極空解解半領方柱功以餘極發賊冊册乃能能能能能能能能能能能能能能能能

初極子極極与敵敵乃林能能能能能能能能能能能能能能能能能能能能能能能能

配劑然空務功欲能能能能能能能能能能能能能能能能能能能能能能能能能能能能

姑奴做餅生杖炊妻券魁剋杭姑午晏佳
蛇林終整破凡破凡幼破軒柳袖寫迷神到

眺猷枯覽極屯批獨極久火繼天 鉄弩束棒中箭鉄弩非林終擊於佩弩

那尖妨擊初盼尚切矣 馴父火欺以雨艾棒力級切松鞋解炊中落芳純凡可火火燄

乃健年應翁醉焚 甄初妨好乃 阮快伴倘務木林級 賊眺猷飲有好幹口故翁

娒 姑妙父好和棍慈猷 僻眺灼斗 做約短做佩驚於 批列
餘錄凡級尖佩驚於 批列姑做佩驚於

批科列 你列片 解列 嗣剛矣 徑級做寫 拜劫 仞 似凡 眺般 藝公

神級 絲狀 捲拜 袖 札 而 於 枯 精 毛 尚 寫 兩 擊 乳 批 文 批 弱 終 必 到 批 動 考 批 利 祿 標 中 般 必 狗

批 伏 朋 蛟 以 卷 舌 批 拜 列 批 列 片 解 列 嗣 剛 矣 徑 級 做 寫 拜 劫 仞 似 凡 眺 般 藝 公 批 列 祿 標 中 般 必 狗

批 歸 毛 劫 半 林 假 妨 得 天 基 寫 批 假 拜 假 半 寫 公 物 天 批 批 利 祿 標 中 般 必 狗 批 列 祿 標 中 般 必 狗

批 假 拜 假 半 寫 公 物 天 批 批 利 祿 標 中 般 必 狗 批 列 祿 標 中 般 必 狗

後做必 詢 敵 拜 拜 天 控 茲 砂 投 替 先 營 務 友 子 假 約 早 做 般 緬 刃 般 敵 繼 對 委 收

球 分 形 拜 批 科 列 片 解 列 嗣 剛 矣 徑 級 做 寫 拜 劫 仞 似 凡 眺 般 藝 公 批 列 祿 標 中 般 必 狗

宣懿

皇后

宣懿

宣懿皇后哀冊一

樞密副使崇祿大夫行尚書戶部侍郎修國史上護軍清河郡開國公食邑三千戶實封貳佰伍張琳撰

維大康元季歲次乙卯十一月己未朔三日辛酉

先懿德皇后崩于長慶川旋附殯于祖陵即以乾統元年

歲次辛巳六月庚寅朔二十三日壬子將遷

座于永福陵禮也國路風沉郊門雲起月屬建未時將在癸

協龜墨告吉之兆應

龍攢啓行之始六衣卷方收黼帳三獻終方撤祭簋望望

而哀仗森鬱搖搖而素旌披靡當時

僊馭去復去兮殊途今日
彫輜行復行兮同軌松楸泣露
以何限簫笳鳴空而不已
孝孫嗣皇帝延禧哀哀思

報戀戀增傷仰順追懷之
遺旨特從合祔之昇章玉

謚流輝于殯殿珠襦掩藻於玄堂白日度兮時易改清釭

凝兮夜不陽音容永訣年祀何長欽惟冠古之

聖善豈可隨時而消亡爰承嚴詔俾讚餘芳況盛事難

窮乎銘紀故小善不足以揄揚其詞曰昔惟

聖人配茲

令德升在中壺來從外戚祥剖石字位膺天極玉璽疏寵

象服增飾贊助大化啓迪內職懽不黷而婉麗貞仁

性不華而沉潛剛克早熟令訓夙挺英資螽斯集慶膠

木均慈處金屋之富而守以約素同

天王之尊而務在謙祇以恩結民心民心皆樂乎子育以

身教天下天下咸遵乎母儀貴不自驕尊不自

滿陰教大布女圖茂纂詠淑懿於河洲筆勲庸於彤管

所居者椒掖所馭者丹駢所戒者詖謁之志所絕

者私溺之權含章于內香蘭芊芊發秀於外飛霆闐闐

照之臨之明可助

日覆之載之柔能配

軋周如齊仁殷莘比聖簪裾惟帝必從于制度管絃絲

竹貴合於雅正文章非學至之然佛法本生知之性

靜修蘋藻動節珩璜儀形祖禰軌範嬪嬙可更延於壽

曆何遽返于仙鄉悲纏

聖母愛慟元良龍遺駒兮婉轉鳳睭鵲兮翱翔痛何言兮

神道嗒難謀兮昊蒼鳴呼哀哉坤紀斷維月輪覆轍陵域暝
兮苦霧暗山楹寂兮流泉咽萬籟喑鳴百靈慘烈嗚呼哀哉
銀海寒湛蛟函影沉琨珮釘鐺兮無復聽雲車縹緲兮何處
尋聲雖不聞六宮側願聞之耳形雖不見九族傾將見
之心時不來兮杳隔霄壤事已往兮空成古今嗚呼哀哉樹
蕭蕭兮秋巖草萋萋兮春渚皆從來巡幸之地盡伊昔宴
遊之所靈跡何在慈顏如覩嗚呼哀哉載念天寵渥失
於姦臣青蠅之舊污知妄白璧之清輝可珍如金石之音默
而復振如鏡鑑之彩昏而復新茂集徽冊緬播芳塵庶
乎千載之下望神華於闕宮兮驗聲實於哀文嗚呼哀
哉

此冊張琳撰首稱維大康元年歲次丁卯十一月己未朔

三日辛酉先懿德皇后崩于長慶川旋祔殯於祖陵即以
乾統元年歲次辛巳六月庚寅朔二十三日壬子將遷座
於永福陵禮也遼史后本傳載后以清寧初立為懿德皇
后后大康初宮婢等誣后與伶官趙惟一私通賜后自盡歸
其尸于家乾統初追謚宣懿皇后合葬慶陵於年月不詳
道宗紀大康元年十一月辛酉皇后被誣賜死天祚紀乾
統元年六月庚子追謚懿德皇后為宣懿皇后辛亥葬仁
聖大孝文皇帝宣懿皇后于慶陵所記崩年與冊正合於
葬日則差一日又謚永福陵為慶陵與道宗哀冊同至撰
文張琳結銜書樞密副使崇祿大夫行尚書戶部侍郎修
國史上護軍清河郡開國公食邑二千戶食實封貳佰戶
琳傳但稱天祚即位累遷戶部使頃之擢南府宰相而已

遼帝后哀
冊文錄

宣懿皇后哀冊二

高廣各五尺一寸五分三十行行二十
餘字至三十字不等蓋篆書十六字

今其咄咄

六六劣百

合口木子

木未赤心

盤狀務融雙採款

勢她 款妨欲輛輛伺酷收婢兮吟酷祇銘銘輛

殃火淫醜瓶駁火殿級碎煨覺醉款 變

檢醜醜平

父綉絳中袖骨雙鬚毛毛女山劫辨巾包天承効力

志二

四三

聖玩玩妨淡修雋丸丸

形塑新慨枰水刻為神丹經酌迷溺非

絲怪半能耕始

叔 茲憐百級雕仗誌葑級

傲和銓酌欲非兩概

枰煖触山鈴

綉爵酸留留留

炸刺岭岭

姊空厭琴耕終萌發此收

收 醜

醜醜坑 銘拜父敘亂多亂多

叔殺極叔耕伏彌儲補

恭憐梓恭憐与公

鏡眼必 燧性能 鈹 璽丹

辨敏必 昭耕伏 維外 稔

執 祿 兩 吞 叔 耕 不

松 傑 酌 雨 兩

樵 吻

挂 到 穴 維 猷 躬 奔 茲 雨

卍 拜 乃 炳 躬

銘 敏 步 融 職 終 隆

融 融 紛 性 口 父 耕 奶 丙 豫 考 炳 与 酌 耕 約 达

稔 板 刈 均 天 灼 州 醉 丸 耕 券 好 系

耕 圃 殉 鈹 統 德 服 梓 昭 務 恭 解 擊

務 百 歲 奴 火 好 与 批 離 交 務 丹 豔 与 故 器 蜀 出 放 叔 德 免 茲 營 批 務 枝 叔 躬 始

飛 鈹 儀 穴 經 融 張 性 能 經 性 能 伴 倚 酌 出

務 百 屏 叔 燈 凡 煥 終 劫 性 与 灼 酌 天 以

錢 触

醜 公 鍾 圃 鈹 公 終 奏

靈感寺釋迦佛舍利塔碑

碑殘存高六尺四寸廣四尺二寸五分
二十七行行存四十三字不等行書

靈感寺釋迦佛舍利塔碑銘并序

和龍僧 悟照字育物

上制授尚書都官貲外郎遠西路錢帛判官張 嗣初字

得一

夫塔古無有也本出于浮屠氏自佛教東被始有之是謂佛

廟蓋聞不遷者性也恒動者情也緣情而能有者生也生不

可常必至於滅滅不可已復轉於生于此流轉中能解生死

之縛而得不生不滅者唯釋迦而已故超然特立於羣聖之

上可謂天人師者也然大耄既至終顯有為故金身示滅當

此之際六種震動如須彌傾推使諸天無所依也烏乎去聖

雖遠靈蹟不無故所有舍利為八國以寶塔分葬之其數凡八万四千爾後歷載弥久墮廢者甚衆人心將恐亾墜益復興起之或發諸寶函或擘以玉粒或葺其舊制或剏以新作故塔廟之多跡于是也雖殫其筋力嘗不為勞然竭以資財亦不為費至若累寶簷絡珠網接雲漢而起嘗不為高并閭閻夷井竈有邪邪之半亦不為廣其人心勤厚有如此者

皇朝定天下以武守天下以文太平既久而人心向

善故此教所以盛宏凡民間建立佛寺靡弗如意今此塔自太平九年柳城人梁氏之所建也氏兄弟二人長曰守竒夙植善根次曰道隣素宏願力自童子時已有聚沙之戲後果

志於出家既受具已大通宗乘先隱於龍岫之一蘭若後為城中人請居此土一日鉢中忽出異步不散者久之既而乃

得舍利二粒玉彩晶燦不可正視人爭傳戴之由此乃舍衣鉢特興塔像復求化官長暨貴戚并豪族之家各助以金帛車服或諸珍玩計獲數百萬錢共為成辦之于是火其埽廣若山積募其工翕如雲合負土于堦者若蟻之累垤汲泥于簷者如燕之巢房凡一十三級通百有餘尺珠函之靈瑞在乎其中觀夫有金撐以銳其上有廣陛以豐其下豈徒然哉我所貴踴出三界而為解脫之場也有千歲燈以然於內有百鍊鏡以懸於外亦豈徒然哉我所貴遍照十方而破黑暗之獄也且如風鳴寶鐸盡宣妙法音蟻踐崇堦亦成無上道故一塵所沾一影所覆其利樂信不虛矣噫彼土木有穹窿而崔巍者勿謂我小我小有可觀彼金碧有燦爛而陸離者勿謂我儉我儉能中禮愚弗克備述徒止於此焉復嘗有步

數見或五色氣以覆之因上聞之以精誠有感故

靈應必通乃敕其寺曰靈感至大安中有先師之弟子通教師賜紫沙門思整重修以潤色之二先師者蓋愚之祖母

故河南大君之伯父也塔初成曰我先人嘗欲親志之而不意早沒故弗克逮言今通教師素與我先人有甥舅之愛

每一見必以此事為託師既誘我以先人之志能弗繼之

我復感師念先師之德可弗述之此者蓋予為其肯構也故不敢讓乃強為記云其頌曰

既生必滅唯性不遷不生不滅唯佛能然全身雖

住靈跡可傳舍利所至塔廟興焉在昔所建八

萬四千益遠益敬至於無邊凡厥願力非小因緣

有僧梁氏獲此舍利千佛共與一日自至鉢中

有光 玉粒者二 苟非精誠 格茲靈瑞 乃舍衣盂

願作佛事 以清淨心 置琉璃器 藏此塔中 以福萬

世 後有門人 以增以新 長令淨白 不生埃塵 叙

我以舊 託我以文 乃強為述 肯吾先君 今亦本亦

天慶六年歲次丙申八月壬戌朔甲戌十三日丙時建

缺少府少監甜水鹽院都監前知東京警巡使兼遼陽少府

特進清河縣開國男食邑三百戶驍騎尉賜紫金魚袋張檢

缺師沙門 守竒 同建塔弟講經律論道法大德

賜紫沙門 道鄰 東平呂 考貞字孝貞

靈感寺在三座塔城內土人耕地得遼碑一為靈感寺釋

迦佛舍利塔銘遼天慶六年丙申新授尚書都官員外郎

遼西路錢帛判官張嗣初字闕二 撰文和龍僧悟照字育

物書丹碑稱寺為太平九年僧守奇道隣所建作塔十三級以貯舍利大安中僧通教重修碑中凡光字皆不全書蓋避遼太宗諱也又土人嘗掘地丈餘見地宮一所周遭嵌列碑文中有釋迦定光二佛的身舍利塔記遼天慶二年講經律論師慧材撰蓋遼時藏佛舍利於此寺今廢河

志八

此碑蓋欽定熱河志承德府志均著錄今在錦州朝陽縣城內關帝廟石上下已殘損僅存中段茲據拓本入錄遇已損之字則依志本側書之志所錄今校拓本有謠脫字如首行本出于浮屠氏脫于字三行烏乎去聖雖遠靈蹟不無句烏乎作嗚呼雖誤作鎮無誤作滅四行人心將恐亾墜將誤作特八行自童子時已有聚沙

之戲脫已字十四行愚弗克備述愚弗誤作余勿十五
行乃敕其寺曰靈感至大安中至字誤作寺十九行塔
廟興焉廟誤作以二十行有僧梁氏有僧誤作乃有二
十二行肯吾先君肯誤作嗣

陀羅尼經幢

高三尺二寸五分廣六寸五分八
面刻字每面三行行十三字正書

佛言有十三大罪無懺悔者有無動如來陀羅尼一切輕重
大罪並能消滅若不滅者我口自代彼有情受口口口若有
人發大菩提心口口口口於壁上又於版上忽有觀此陀羅
尼生信敬心所有如口十惡等罪悉皆消滅何況一日誦一
遍其人增無量福德臨命終時十方聖象各持華蓋來迎生
於淨土佛舒金色辭口口授記速成無上菩提佛說佛頂

尊陀羅尼曰

中間十行
梵書咒

惟天慶十年歲次庚子四月辛未朔十五日乙酉長男松口

今為

亡父特建法幢一坐

此幢今在義縣城內城隍廟

惠能建陀羅尼經幢

幢高二尺九寸八面第一面三行第二面四面六面八面均二行三面五面七面均五行每行十餘字不等正書

佛頂尊二奉為

勝陀羅興龍頭山燃

尼幢塔

佛頂尊勝陀羅尼啟請

誓首千業蓮花座摩尼殿上尊勝王廣長舌相遍三千恒沙

功德皆圓滿灌頂聞持妙章句九十九億世尊宣嬌尸迦為

善柱天能滅七返傍生路希惣持秘法藏能發圓明廣大心

我今具足是凡夫讚歎誦持薩婆若願我心眼常開口所有

功德施群生十方列土指如來他方北界諸菩薩八部龍天

口眷屬口口口口口口口口口口口口此間字三行全速聽徒口

佛讚彌陀佛中竊聞大雄無上演說西方佛号弥陀国名

安養過十萬億佛土則立淨方閻廣無邊香花嚴飾其无量

壽佛者加夫月殿手如五大須弥目如四大海水週迴一國

盡布黃金遠轉花都如鋪碎錦讚曰

玉樓銀閣自然成樂器空中不鼓鳴共讚甚深三寶德花無

淨僧智蠲雲昇法超開泰寺首座憶光大師賜紫拖

錢兩貫文智詮守乘審道審三歲守吳鎮國寺顯正大師賜

紫顯正拖錢壹貫文志湧口寬口壽息燈師訓禪寂寺智覺

大師施錢壹貫文運志運撓運超運艤運口運濟運口法印

開泰寺賜紫諷誦大德施錢壹貫文法詮德恒志寂守道善

常非扣開泰寺賜紫念舊大德施錢一貫文鑒開可寶準善

法宗運鮮省運悞性開泰寺賜紫報思大德施錢壹貫文道

式惠江紹京懷感法朱路可琫可成開泰寺希圓大德賜紫

施錢壹貫文省意法規弘寶惠又紹躬智微惠豐開泰寺精

修大德賜紫施錢一貫文三學寺主行大德審王秘賢玄

正禪寂寺崇淨大師賜紫三學寺律法師淨業大德賜紫

開泰寺臨檀大德紹隆戒學院攝持大師賜紫三學寺論

法師運志鎮國寺主雄進大德沙門德遠知足院前成州管
增政弘教大德賜紫開泰寺講法花上生經清意十方講院
嚴淨新羅大師開泰寺講經論希覺大德開泰尚座開教大
德繼宗洗濁三學寺經法師詮常大德賜紫開泰寺口口大
德繼英開泰寺智閏

志宗此石今在熱河寧城縣寧城即遠之大寧案熱河志古跡

常非門平泉州有大寧故城在平泉州東北一百八十里即

附卷遼中京大定府也此刻雖不著年月然以所在地及文

大城中街名寺名考之知為遼刻得證二焉遼史官志寺官職名

崇祿寺注本光祿寺避太宗諱改此石首題中京管

內都僧錄崇祿大夫一也題名中寺名有鎮國寺三學

寺熱河志寺廟門引元一統志謂鎮國寺在大定府西關

有錢塔遠統和三年建又三學寺在大寧縣北十五里
七金山遠咸雍元年建有碑後罹兵火碑字剝落難辨
二也由此并推知此刻當作于遠咸雍以後矣

龐延則造陀羅尼經幢

石已殘高存二尺六寸五分存
十三行行十餘字不等正書

上缺口口丁亥朔六日壬辰時俗口口前針缺下

上缺口口御史武騎尉龐延則敬為亡兄延口缺下

上缺念慈尊壽年六十有二正月二十九日因疾口缺下

上缺以為記尔叔仁貴弟延珪南面權口缺下

上缺口口口口建口都口出家弟口缺下

下七行錄陀羅尼咒文多漫漶

鑄字人張守口王口口

